

939.

# C. Plinii Secundi Ve-

RONENSIS IN XXXVII LIBROS

Naturalis historia suæ ad Vespasianum im-  
peratorem Præfatio.

Leodegarij a Quercu Rothomagæi in eandẽ racematio.

*Collegij Rem. soc. Rem. car. miss. B.S.*



PARISIIS

Ex officina Michaëlis Vascosani, in uia quæ est  
ad diuum Iacobum, sub Fontis insigni.

M. D. XLIII.

SACRATISSIMO ABBATI DIVI

Pauli Vertodumensis Nicolao Psaulmæo fœlici-  
tatem precatur Leodegarius à quercu.

*Vilia si diuis sacrentur, tum sacra fiunt:  
Illa nec à quoquam lædier usque decet.  
Ergo tibi diuo nos uilia scripta sacramus:  
Vt sacra dum fuerint, tuta magis esse queant.*

LEODEGARII A QVERCV, RO-  
thomagæi, in præfationem C. Plinij Secūdi racematio.

**L**ibros. Hæc præfatio fungitur uice libri primi, atque  
continet elēctum operis totius, quod uouet Tito Vespas-  
iano. Iucundissime. Scribit Suetonius Vespasianū fuisse  
ingenio tam amano, ut delictum populi diceretur. Maximi.

Significat appellationem maximi deberi maiestati Titi, &  
senescere in patre eius. Alij tamen legunt maxime, tanquā ap-  
pellatio iucundissimi consenscat in patre sene. sunt enim mo-  
rosi & minimè iucundi sēnes. Putare nugas. Catulli imi-  
tatio uouentis sua epigrammata Cornelio nepoti, sic,

Cui dono lepidum nouum libellum  
Arido modò pumice expositum  
Corneli? tibi: nanque tu solebas  
Meas esse aliquid putare nugas,  
Iam tunc cum ausus es unus Italorum  
Omne æuum tribus explicare chartis,  
Doctus (Iuppiter) & laboriosus.  
Quare habe tibi quicquid est libelli.  
Qualecunque quidem ora per uirorum

Plus uno maneat perenne sæclo. Castrense verbum.  
Cōterraneum, uerbū magis usurpatū castris quàm forō. Cæ-  
terum Veronēsis erat Catullus ut Plinius. hinc illud, Mātua  
Virgilio gaudet, Verona Catullo. Permutatis prioribus  
syll. Plinius dānat in Catullo ruditatē carminis Phalecij, &  
nīmīā licētiam. nam cū carminis Phalecij primus pes esse de-  
beat spōdeus, collocat sæpe Catullus iambū, pyrrichium, tro-  
chæū. Veraniolis suis & Fabullis. Veranius & Fabul-  
lus amicissimi fuerunt Catullo, ut multis epigrammatibus cōstat.

Nunc sudaria Scetaba ex Iberis

Miserunt mihi muneri Fabullus

Et Veranius: hoc amem necesse est

Et Veraniolum meū, & Fabullum. Dein post paulo

Verani optime, tuque mi Fabulle

Quid rerū geritis? &c. Simul vt. Altera ratio cur Plinius uocāt opus hoc Tito. Contubernio. Plinius usus est castrensi contubernio Titi in Germania. Nec quicquam. Laus amplissima à modestia, q̄ no nrexerit cristas cumulat-  
tus honoribus. Audacia superest. Excusat audaciā, atq; non futuram fuisse tantam, nisi se Titus familiarissimum Plinio fecisset. Tibi ignosces. Quia culpa (si qua est) author es. Perfricui faciem. Prouerbum, quo significamus pudorem expulsum. uide Erasmi chiliadas. Fascibus. Ductum à magistratibus, ante quos publici ministri & caduceatores gestāt fascēs. Porro significat Plinius excitari se modestia Titi ut ei uoueat opus, sed terreri amplitudine ingenij Titi. Humili vulgo. Oratoria sui deiectione. Operā condicerem. Litem intenderē. In hoc albo. Sumpta ab arbitris similitudo. non enim debet arbiter sententiam dicere nisi rogatus, atq; in catalogum selectorum sit. Extra ingenii aleā positus. Quadrat in hominem rotundē absolutū. Hæc doctissimū Persium. Lucilius nolebat satyras suas legi ab indoctissimis, quia non intelligerent: neq; à doctissimis, ne plus intelligerent de se quā ipse uellet: sed à mediocribus. Quam reiectionem imitatus est Cicero in libro de Rep. cum tamen in principio de finibus, nolit ea uti. Porro non est hic Persius qui satyras scripsit tēporibus Neronis, sed orator eminentissimus, cuius Cicero meminit in dialogo de claris oratoribus. Quod si. Argumentatur à maiori, si Lucilius & Cicero literatissimi uiri

uiri usi sunt reiectione eruditorū, quāto minus à me uitari ea  
debet? Styli nasum. Nasutas satyras. Causatus. Maiori  
caussa. Plurimum refert. Allusio ad morē iudiciorum.  
Inuitatū hospitē. Etenim si cui condicatur conuiuiū, potest  
conqueri de uilitate apparatus. Si autē ultro se offerat con-  
uiuiam, debet esse contentissimus adpositis. Cum tribunos  
appellaret. Cū causā apud tribunos agi uellet. Asiaticus.  
L. Scipio à deuicta Asia dictus est Asiaticus. Ille autē cum  
uicisset Antiochū regem, & inde amplissimā prædam repor-  
tasset, accusatus est ab inuidis quodā magnam partem prædæ  
interuertisset: sed innocentia fretus non recusauit hostes esse  
sibi iudices. Inter quos erat Gracchus. Gracchus trib.  
infestissimus fuit L. Scipioni. Vel inimico. Quia magna  
uis est ueritatis. Te quidem. Locus à maiori, ad hūc sen-  
sum, si aulici qui matutinū aue deferunt, tam religiose & ti-  
midè id faciunt, quanto timidius debet id facere rusticanus  
meus liber? Verū & diis. Oratoria occupatio per at-  
tenuationem, quæ faciat ad excusationē audaciæ. Mola. Apud  
antiquos post arbuta & glādes usus farris seruatus fuit ad-  
eò honorifice, ut sacrificium nō fieret sine farre & sale. Di-  
citur enim mola à molito farre, quo tosto & sale asperso ho-  
stia asperguntur. Cū honoris præfatione. Cū usurpamus  
turpe uerbū, id facimus cū honoris præfatione, dicētes, Ho-  
nor sit auribus. Cum uenia dixerim. Nemo. Ratio cur nō  
trita nia. Obscuris. Hinc Gellius meminit opera Nigidij à  
paucis lecta ob obscuritatē. τὰς ὑγκυκλοπαιδείας. i. Orbicula-  
tas disciplinarum series. Oportet autē facere circulū in omni  
arte: quoniā altera sine altera non tenetur, cū sint omnes con-  
catenatæ. Res ardua. Sunt hæc munia historicorum quæ  
memorat, uelut obices unde auocari queat à scribēdo. Est au-

tem elegans distributio cum gradatione. Voluisse abunde pulchrum. Propertius,

Quòd si deficiant uires, audacia certe

Laus erit: in magnis & uoluisse sat est.

Est autem elegans anticipatio. Equidem. Solutio obicium. Utilitatem iuuandi. Pluris facit Plinius authores qui ad utilitatem quàm qui ad uoluptatem scribunt. Mirari T. Liuium. Reprehensio Liuij, quòd gloriæ priuatæ magis studuerit, quàm publicæ utilitati. Quoniam. Ratio cur uiginti millia rerum complexus sit opere ipso. oportet enim librum more thesauri multa continere. Homines enim sumus. Hominum est multa nescire. Solus autem deus omnia nouit, coram cuius oculis omnia sunt nuda & aperta. Succisiuis. Succisiua tempora, quæ succiduntur & amputantur à debitis officijs. Simili prouerbio diuus Hieronymus uocat horas furtiuas: metaphora à seruis, qui præter pactas operas quas debent, extra iustas horas illas nonnihil operantur sibi, quod cedat in peculium. Cum somno. Subduco calculū cum somno, & tantum dormio quantum satis sit ualerudini. Musinamur. Componimus. Beatus tamen Rhenanus legit muginamur, pro nugamur, & tarde conamur. Pluribus horis uiuimus. Siquidē uitæ additur quod somno demitur. Quibus de causis. Oratoria occupatio. Nec fiducia. Sensus est, non audeo ideo quia opus sit dignum te, sed quia tibi dicatum. Nōs quidem. Excusat quòd non ulterius spatietur in laudem Titi, quia iam hoc sit factum in historijs. Aufidii. Aufidius Bassus scripserat xxxi. lib. historiæ, ubi uehementer laudarat Vespasianos. A fine. Vbi desuerat Bassus. Sancitur. Vera cōfirmatur ut lex. Ambitioni. Ne si uiuus sacrassem, uiderer tuam ambire beneficentiam. Stomachi

machi mei. Ironia est. Argumentū. Quod saueo prioribus & posteris. Iuratissimis. Legendū furacissimis, hoc est qui nomine auctoris suppresso furati sunt opera, ut Græci nus fecit, qui ad uerbū omnia sumpsit ex Celsō: ut Macrobius multa ex Gellio, & Solinus ex Plinio. Virgiliana virtute. Virgilius cum mutuatus sit Bucolica à Theocrito, Georgica ab Hesiodo, Aeneidē ab Homero & Ennio, non negauit furtum, sed blande confessus est à quibus accepisset. sic enim in Georgicis ait,

Astræumq; cano Romana per oppida carmen. & in Buc.

Prima Syracusio dignata est ludere uersu.

Platonis. Exemplo Platonis scripserat Cicero sex libros de rep. nec negauit se imitatū Platonem. Crantorē. Crantor græcus scripsit de consolatione. hunc imitatus est Cicero in lib. de consolatione, qui perijt. hunc autem librum composuit Cicero ut solaretur se de morte Tullie. Inscriptionis. Inuehitur in Græcos, qui usurpant titulorū magnificentiā, cū interea meras quisquilias scribant. Alii. Vt Helius Melissus. κίρας ἀκάλυπτος. id est Copiæ cornu. Est autem prouerbiū quo significamus omnia affatim superesse. uide chiliadas Erasmi. Lactis gallinacei haustum. Prouerbiū de re impossibili. Iam ia. Alij legunt, ἰαπίος, hoc est uiolatio. Pandectæ. Tyro uocauit lucubrationes suas pādektas, id est omnia continentes. Enchiridion. Est libellus semper habendus in manibus. πίνακας. Pinacidia tabellæ sunt continentes capitula rerum omnium. sic autem uocamus libros quasi multarum rerum indices. Vadimonium deferi possit. Hoc est propter quas fides uiolari possit. Antias. Rhenanus legit Antij. Est autem Antium urbs Latinorum. In satyris. Varro satyras Menippeas fecit, quarū meminit Gell. Flexibula.

Consilium flectentes. Conditoribus. Rhenanus legit, aucto-  
 rum auctoribus. Est autem icon imago picta uel sculpta quæ  
 exemplar lineamentis omnibus exprimit. Tria. Apelles tria  
 perfectissimè pinxit, Venerem è mari exeuntem, Castorè &  
 Pollucem cum uictoria & Alexandro magno: imaginem belli  
 restrictis à tergo manibus, Alexandro in curru triumphante.  
 Parturire. Allegorice dictum. Abortus facere. Per-  
 stat in metaphora. Cum celerius pariant elephanti.  
 Prouerb. de re admodum tarda. Theophrastum. Locus  
 est à maiori. Solatur autem se exemplo Theophrasti. No-  
 men diuinum inde. Theophrastus dictus est antè Tyrtä-  
 mus, sed à diuina phrasi imposuit ei nomen Theophrasti Ari-  
 stoteles. Fœminam. Intelligit Leontiū uetulam, cuius me-  
 minit Cicero lib. primo de natura deorum. Suspendio de-  
 ligendam arborem. Prouerb. de re indignissima: tãquam  
 putet desperandum doctis si in eos scribāt mulierculæ. Non  
 queo. Aliud exemplum. Scio ego. Verba Catonis in xoi-  
 los. Vitilitigent. Calumnientur. dicuntur autem uilitiga-  
 tores à uitijs & litibus. Laruas. Cum laruis luctari, pro-  
 uerbiū in eos qui maledictis insectantur mortuos, quos Pla-  
 to putat similes canibus qui lapides iactos mordent, nec atin-  
 gunt ipsos à quibus læduntur. Ante me. Exemplo Sorani  
 se tuetur. Hic autem libros epoptidon, id est spectaculorum  
 contexuit.

F I N I S.



C. PLINII SECVNDI VERONEN-  
sis in XXXVII. libros Naturalis historiae  
suae, ad Vespasianum imperatorem praefatio.



**L**IBROS naturalis historiae, nouitū  
Camænis Quiritiū tuorum opus, na-  
tū apud me proxima foetura, licentio-  
re epistola narrare cōstitui tibi, iucū-  
dissime Imperator (sit enim hæc tui  
praefatio verissima, dū maximi consenescit in patre)  
Nanq; tu solebas meas esse aliquid putare nugas, vt  
obiter emolliā Catullum cōterraneū meum. Agno-  
scis & hoc castrense verbū. Ille enim, vt scis, permu-  
tatis prioribus syllabis duriusculū se fecit, quā vo-  
lebat existimari à Veraniolis suis, & Fabullis. Simul  
vt hac mea petulantia fiat, quod proximè non fieri  
questus es in alia procaci epistola nostra, vt in quædā  
acta exeat: sciantq; omnes quā ex æquo tecum vi-  
uat imperium. Triūphalis & cēforius tu, sextūq; cō-  
sul, ac tribunitiæ potestatis particeps: & quod his no-  
bilibus fecisti, dū illud patri pariter & equestri ordini  
præstas, præfectus prætorio eius: omniāque hæc Reipub.  
Et nobis quidē qualis in castrensi contubernio?  
Nec quicquam mutauit in te fortunæ amplitudo in  
iis, nisi vt prodesse tantundē posses, vt velles. Itaq; cū  
cæteris in venerationem tui pateant omnia illa, nobis  
ad colendū te familiaris audacia sola superest. Hæc  
igitur tibi imputabis, & in nostra culpa tibi ignoscet.  
Perfricui faciem, nec tamen profeci: quando alia via  
occurris ingens, & longius etiā submoues ingenii fa-

scibus. Fulgurat in nullo vnq̃ verius dicta vis eloquē  
tię, tribunitię potestatis faciūdia. Quāto tu ore patris  
laudes tonas! q̃to fratris amas! Quātus in poetica es!  
O magna fœcūditas animi. Quēadmodū fratrē quoq̃  
imitareris, excogitasti. Sed hęc q̃s posset itrepid⁹ estī  
mare subiturus ingenii tui iudiciū, præserti laceffitū?  
Neq̃ enim similis est cōditio publicatiū, & nominati  
tibi dicatiū. Tū posse dicere, qd ista legis imperator?  
Humilivulgo scripta sunt, agricolarū, opificū turbæ,  
deniq̃ studiorū ociosis: qd te iudicē facis? Cū hanc o-  
perā cōdicere, nō eras in hoc albo. Maiorē te sciebā,  
quām vt descensurū huc putarē. Præterea est quādā  
publica etiā eruditorū reiectio Vtitur illa & M. Tul-  
lius, extra omnē ingenii aleā positus, & (quod mire-  
mur) per aduocatū defenditur: Hęc doctissimū Per-  
sium legere nolo, Læliū Decimū volo. Quod si hoc  
Lucilius, qui primus cōdidit styli nasum, dicēdū sibi  
putauit: si Cicero mutuādum, præsertim cum de re-  
publica scriberet, quāto nos causatius ab aliquo iudi-  
ce defendimur? Sed hęc ego mihi nūc patrocinia ad-  
emi nuncupatione. Quamplurimū refert, sortiatur  
aliquis iudicē, an eligat: multumq̃ apparatus interest  
apud inuitatū hospitē, & oblatū. Cum apud Catonē  
illū ambitus hostē, & repulsis tanquā honoribus in-  
deptis gaudentē, flagrātibus comitiis pecunias depo-  
nerēt candidati, hoc se facere pro innocētia (quod in  
rebus humanis summū esset) profitebantur. inde illa  
nobilis M. Ciceronis suspiratio: O te felicē M. Porci,  
à quo ré improbā petere nemo audet. Cū tribunos  
appellaret L. Scipio Asiaticus, inter quos erat Grac-  
chus,

chus, hoc attestabatur, vel inimico iudici se approbari  
posse. A deo summū q̄sq; causæ suæ iudicē facit, quē-  
cūq; eligit: vnde prouocatio appellatur. Te qdē i ex-  
celssimo humani generis fastigio positū, summa elo-  
quētia, sūma eruditione pręditū, religiose adiri etiā à  
salutātibus scio. Et ideo immēsa præter cæteras subit  
cura, vt q̄ tibi dicatur, cōdigna sint. Verū & diis lacte  
rustici multæq; gētes supplicāt, & mola tātū falsa li-  
tāt, q̄ nō habent thura. Nec vlli fuit vitio deos colere  
quoquo modo posset. Mæx quidē temeritati accessit  
hoc quoq; , quod leuioris operæ hos tibi dedicaui li-  
bellos. Nā nec ingenii sunt capaces, quod alioq̄n no-  
bis perq̄ mediocre erat: nec admittūt excessus aut o-  
ratiōes sermonēs ve aut casus mirabiles, vel euēt? va-  
rios, nō alia iucūda dictū, aut legētibus blāda. Sterili  
materia rerū natura, hoc est vita, narratur: & hæc sor-  
didissima sui parte, vt plurimarū rerū aut rusticis vo-  
cabulis, aut externis, imò barbaris, etiā cū honorisprę-  
fatione ponēdis. Præterea iter est non trita autoribus  
viā, nec qua peregrinari animus expetat. Nemo apud  
nos qui idē tentauerit, nemo apud Græcos qui vnus  
omnia ea tractauerit. Magna pars, studiorum amœni-  
tates quærimus: quæ vero tractata ab aliis dicuntur  
immensæ subtilitatis, obscuris rerum tenebris pre-  
muntur. Iam omnia attingenda, quæ Græci τοῖς ἰχνυ-  
κλοποιθείαις vocant, & tamen ignota aut incerta inge-  
niis facta. Alia vero ita multis prodita, vt in fastidium  
sint adducta. Res ardua, vetustis nouitatem dare, no-  
uis autoritatē, obsoletis nitorē, obscuris lucem, fasti-  
ditis gratiā, dubiis fidē, omnibus vero naturā, & na-

turæ suæ omnia. Itaque etiam nō assecutis, voluisse,  
abunde pulchrum atq; magnificum est. Equidem ita  
sentio, peculiarē in studiis causam eorū esse, qui diffi-  
cultatibus victis, vtilitatem iuuādi prætulerūt gratiæ  
placendi: idq; iam & in aliis operibus ipse feci, & pro-  
fiteor mirari, T. Liuium authorē celeberrimū, in hi-  
storiarū suarum, quas repetit ab origine vrbis, quodā  
volumine sic orsum: Iam sibi satis gloriæ quæsitū, &  
potuisse se desinere, ni animus inquiet pasceretur o-  
pere. Profectò enim populi gentium victoris, & Ro-  
mani nominis gloriæ, non suæ, cōposuisse illa decuit.  
Maius meritum esset, operis amore, non animi causa  
perseuerasse: & hoc populo Romano præstitisse, nō  
sibi. Viginti millia rerū dignarū cura, (quoniā vt ait  
Domitius Piso, thesauros oportet esse, nō libros) le-  
ctione voluminū circitèr duū millium, quorū pauca  
admodū studiosi attingunt propter secretum mate-  
riæ, ex exquisitis autoribus cētum, inclusimus trigin-  
ta sex voluminibus, adiectis rebus plurimis, quas aut  
ignorauerāt priores, aut postera inuenerat vita. Nec  
dubitamus multa esse quæ & nos præterierint. Ho-  
mines enim sumus, & occupati officiis: succisuiisque  
temporibus ista curamus, id est nocturnis, nequid ve-  
stris putetis cessatum horis. Dies vobis impendimus,  
cū somno valetudinē cōputamus: vel hoc solo præ-  
mio contenti, quòd dum ista (vt ait M. Varro) musi-  
namur, pluribus horis viuimus. Profectò enim vita  
vigilia est. Quibus de causis atq; difficultatibus nihil  
auso promittere, hoc ipsum tu præstas, quod ad te  
scribi-

scribimus. Nec fiducia operis hæc est, sed indicatura. Multa valde preciosa ideo videntur, quia sunt tēplis dicata. Nos quidē omnes, patrem, te, fratremq; diximus opere iusto, temporum nostrorū historiam orsi à sine Aufidii Bassi. Vbi sit ea, quæ res. iam pridē peracta fancitur. Et alioquin statutū erat hæredi mandare, ne quid ambitioni dedisse vita iudicaretur. Proinde occupantibus locū faueo & posteris, quos scio nobiscum decertaturos, sicut ipsi fecimus cum prioribus. Argumentū huius stomachi mei habebis, quòd in his voluminibus autorum nomina prætexui. Est enim benignū (vt arbitror) & plenum ingenui pudoris, fateri per quos profeceris, non vt plerique ex iis quos attigi fecerunt. Scito enim conferentē me auctores, deprehēdisse à iuratissimis & proximis veteres trāsscriptos ad verbum, neq; nominatos, non illa Virgiliana virtute vt certarent, non Ciceroniana simplicitate, qui in libris de republica, Platonis se comitem profitetur: in cōsolatione filiæ Crantorem, inquit, sequor: item Panætium de officiis. Quæ volumina eius ediscenda, non modò in manibus habenda quotidie, nosti. Obnoxii profecto animi, & infelicis ingenii est, deprehendi in furto malle, quàm mutuum reddere, cum præsertim fors fiat ex vsura. Inscriptionis apud Græcos mira felicitas. κλειον inscribere, quod volebāt intelligi fauum. Alii κίριος ἀμολθάσας, vt vel lactis gallinacei sperare possis in volumine haustū. Iam Ia, Μυσα, πένδεχται, ἔγχρειαδον, λαμάν, πινάκιδον, inscriptiones propter quas vadimonium deferi possit. At cum in-

traueris, dii, deæque, quàm nihil in medio inuenies! Nostri crassiores, Antiquitatū, Exemplorū, Artiumq; quàm facetissimi. Lucubrationem puto, qui Antiās ciuis erat & vocabatur, Valerius primus asserit: Varro in satyris suis Sesculyssē & Flexibulas. Apud Græcos desit nugari Diodorus, & *Βιβλιοθήκης* historiā suā inscripsit. Apion quidē grammaticus, hic quem Tiberius Cæsar cymbalū mūdi vocabat, quum publicæ famæ tympanum potius videri posset, immortalitate donari à se scripsit, ad quos aliqua cōponebat. Me verò nō pœnitet nullū festiuiorē excogitasse titulū. Et ne in totū videar Græcos insectari, ex illis nos velim intelligi pingiq; cōditoribus, quos in libellis his inuenies, absoluta opera, & illa quoq; quæ mirādo nō satiamur, pēdētī titulo inscripsisse, vt, Apelles faciebat, aut Polycletus: tanq̃ inchoata sēper arte, & imperfecta, vt cōtra iudiciorū varietates superesset artifici regressus ad veniā, velut emēdaturo quicq̃d desideretur, si nō esset interceptus. Quare plenū verecundiæ illud est, quòd omnia opera tāquā nouissima inscribere, & tāq̃ singulis fato adēpti. Tria non amplius, vt opinor, absolute quæ tradūtur inscripta, ille fecit, quæ suis locis reddā: quo apparuit sūmā artis securitatem auctori placuisse. & ob id magna inuidia fuere omnia ea. Ego planē meis adiici posse multa cōfiteor: nec iis solis, sed & omnibus quæ edidi: vt obiter caueā istos Homeromastigas. Ita enim verius dixerim, quoniam audio & Stoicos, & dialecticos, Epicureos quoq; (nam de grammaticis semper expectaui) parturire aduersus libellos quos de grammatica edidi, &

subinde abortus facere iā decē annis, cū etiā celerius elephanti pariant: Ceu verò nesciā aduersus Theophrastum, hominē in eloquentia tantū, vt nomen diuinū inde inuenerit, scripsisse etiam scēminā, & pro-uerbiū inde natum, Suspendio arborē eligēdi. Non queo mihi temperare, quò minus ad hoc pertinentia ipsa Censorii Catonís verba ponā: vt inde appareat, etiā Catoni de militari disciplina cōmentāti, qui sub Africano, imò verò & sub Annibale didicisset militare, & ne Africanum quidem ferre potuisset, qui imperator triumphum reportasset, paratos fuisse istos qui obtrectatione alienæ sciētix famam sibi aucupantur. Quid enim ait in eo volumine? Scio ego quæ scripta sunt, si palàm proferantur, multos fore qui vitilitigent, sed ii potissimū, qui verę laudis expertes sunt. Eorum ego orationes sino præterfluere. Nec Plācus ille pīde, cū diceretur Asinius Pollio orationes in eū parare, quæ ab ipso aut liberis post mortē Planci ederētur, ne respōdere posset: Cum mortuis nō nisi laruas luctari. Quo dicto sic repercussit illas, vt apud eruditos nihil ipudentius iudicetur. Ergo securi etiā cōtra vitilitigatores, quos Cato elegāter ex vitii & litigatoribus cōposuit ( quid enim illi aliud q̃ litigāt, aut litē quærūt?) exequemur reliq̃ propositi. Quia occupationibus tuis publico bono parcēdū erat: quid singulis cōtineatur libris, huic epistolę subiūxi summāq; cura, ne perlegēdos eos haberes, operā dedi. Tu per hoc & aliis præstabis ne perlegant: sed vt quisq; desiderauerit aliquid, id tātū quærat, & sciāt quo loco inueniat. Hoc ante me fecit in literis Valerius Soranus ī libris quos *ἡ περὶ δόξης* inscripsit. Vale.





Ergratum est mihi, quòd tam diligenter libros auunculi mei lectum, ut habere omnes  
 uelis, querās; qui sint. Fungar indicis partibus, atq; etiā quo sint ordine scripti, notum  
 tibi faciā. Est enim haec quoq; studiosis non inuicunda cognitio. De iaculatione equestri  
 unus, hūc cū praefectus ale militaret, pari ingenio curāq; cōposuit. De uita Q. Pōpe-  
 nij Scādi duo, à quo singulariter amatus, hoc memorie amici quasi debitum munus exoluit. Bellorum  
 Germāiae uiginti, quibus oīa quae cū Germanis gessimus bella, collegit. Anchoaui cū in Germania mi-  
 litaret, somnio monitus, adlittit enim ei quiescētē Drusi Neronis effigies, qui Germaniae latissimē uictor  
 ibi perijt. Cōmendabat memoriā suā, orabatq; ut se ab iniuria obliuionis adsereret. Studiosi tres, in sex  
 uolumina propter amplitudinē diuisi, quibus oratorē ab incunabulis instituit, et p̄ficat. Dubij sermonis  
 octo scripsit sub Nerone nouissimis anni; cū omne studiōrū genus paulo liberius et erectius, pericu-  
 losum seruatus fecisset. A fine Ausilij Bassi triginta unus. Naturae historiārū triginta septem, opus dis-  
 fusum, eruditū, nec minus uariū, q̄ ipsa natura. Miraris quòd tot uolumina, multa; in his tā scrupulosa  
 homo occupatus absoluerit? Magis miraberis si scieris illum aliquādū causas actūisse, decessisse anno  
 VI. et L. medium tempus distētū impeditumq; quā officijs maximis, quā amicitia principiū, egisse.  
 Sed erat acre ingeniuū, incredibile studiū, summa uigilātia. Lucubrare à Vulcanalibus incipiebat, non au-  
 spiciādī causā, sed studēdi; estate, statim à nocte multa: hyeme uerò ab hora septima, uel cū tardissime,  
 octaua, sepe sexta. Erat sanē somni parcissimi, nōnunq; etiā inter ipsa studia instātis, et deserētis. Ante  
 lucē ibat ad Vespasianū Impatorē (nā ille quoq; noctib⁹ utebatur) inde ad delegatū sibi officiū. reuersus  
 domū, quod reliquū erat tēporis, studijs reddebat. Post cibū sepe, quē interdū leuē et faciliē ueterū mo-  
 re sumebat, estate siq; ocij iacebat ī sole. liber legebatur, adnotabat, excerpebatq;. Nihil enī unq; legi,  
 qd nō exciperet. Dicere etiā solebat, nullū esse librū tā malū, quā nō aliqua parte prodesset. Post so-  
 lē plerūq; frigida lauabatur, deinde gustabat, dormiebatq; minimi: mox quasi alio die studebat in coe-  
 nae tēpus, sup hāc liber legebatur, adnotabatur, et quidē cursim. Memini quēdā ex amicis, cū lector q̄  
 dā p̄nūciasset p̄perā, reuocasse, et repelli cōegisse: huic auunculū meū dixisse, intellexeras nēpe: cū ille  
 annuisset: cur ergo reuocabas? decē ampli⁹ uersus hac tua interpellatiōe perdidim⁹. tāta erat parsimo-  
 nia tēporis. Surgebat estate à cena, luce: hyeme itra primā noctis, et tāq; aliqua lege cogēte. Haec inter  
 medios labores, arbusq; fremiū. In secessu solū balinei tēpus studijs eximebatur. Cū dico balinei, de inte-  
 riorib⁹ loquor. Nā dū destringitur, tergaturq;, audiebat aliqd, aut dicebat. In uiuere quasi solus ceteris  
 curis, huic uni uacabat. Ad lat⁹ notarius cū libro et pugillarib⁹: cuius man⁹ hyeme manicis manieban-  
 tur, ut ne coeli qdē asperitas ullū studijs tēp⁹ eriperet: qua ex causa Romae quoq; sella utebatur. Repe-  
 to me correptū ab eo, cur ābulare poteris, inquit, has horas nō perdere. Nā perire omne tēp⁹ arbitra-  
 batur, qd studijs non impiretur. Hac intētiōe tot ista uolumina pegi. Eccelectorūq; cōmētarios CLX.  
 mihi reliq; opisthographos qdē, et minutissimē scriptos, qua ratione multiplicatur hic numerus. Re-  
 ferebat ipse, potuisse se cū pcuraret in Hispania, uēdere hos cōmētarios Largio Licinio quadringētis  
 millibus numm. Critūc aliq̄to pauciores erāt. Nōne uidetur tibi recordāti quātū legerit, quātū scripserit,  
 nec in officijs ullis, nec in amicitia Principū fuisse? rursus cū audis qd studijs laboris impēderit, nec scri-  
 pisse satis, nec legisse? Quid est enim qd nō aut illae occupationes impedire, aut haec instātia nō possit  
 efficere? Itaq; soleo ridere cū me qdā studiosum uocant, qui si cōparer illi, sum desidiosissimus. Ego au-  
 tē cātū, quātū partim publica, partim amicorū officia nō distringūt, uoco. Quis ex istis qui tota uita li-  
 teris asidēt, collatus illi, nō quasi somno et inertia deditus erubescat? Extēdi epistolā, cū hoc solū qd  
 requirebas, scribere destinasset, quos scilicet libros reliquisset. Confido tamen haec quoque tibi non  
 minus grata, quam ipsos libros futurā: quae te non tantum ad legendos eos, uerumetiam ad simile ali-  
 quid elaborandum possunt emulationis stimulis excitare. Vale. Vascosanus imprimebat.



# C. Plinii Secundi, natura-

LIS HISTORIAE LIBRI DVO, IX. ET  
XXXII. De aquatilium natura, & medicinis ex aquatilibus.

*Commentarij locupletissimi & doctissimi in librum priorem, ex  
omnibus ferè tum græcis tum latinis authoribus, qui ea de re do-  
ctè scripserunt, (quorum bona pars non uenit in lucem) immen-  
so labore ac summo iudicio collecti, omniumque penè marium lon-  
ga nauigatione obseruati,*

*Francisco Massario Veneto auctore.*

PARISIIS,

Ex officina Michaëlis Vascosani, in uia quæ est ad

D. Iacobum, sub Fontis insigni.

M. D. XLII.

THE UNIVERSITY OF CHICAGO

LIBRARY

1000

1000

1000

1000

1000

1000

1000

1000

1000

1000

C. PLINII SECVNDI NATVRALIS HISTORIAE LIB. IX.

De aquatilium natura Cap. I.

**A**NIMALIVM quæ terrestria appellauimus, hominum quadam consortione degentia, indicata natura est. Ex reliquis minimas esse uolucres cōuenit. Quamobrem prius æquorum, annium, stagnorumque dicentur.

Quare in mari maxima animalia. Cap. II.

Sunt autem compluria in his maiora etiam terrestribus. Causa euident, humoris luxuria. Alia fors alitum, quibus uita pendentibus. In mari autem tam latè supino mollique ac fertili accremento, accipiente causas genitales è sublimi semperque pariente natura, pleraque etiam monstifica reperiuntur, perplexis, & in semet aliter atque aliter nunc statu nunc fluctu conuolutis seminibus, atque principijs: ut uera fiat uulgi opinio, quicquid nascatur in parte nature ulla, & in mari esse, præterque multa, quæ nusquam alibi. Rerum quidem, non solum animalium, simulacra inesse, licet intelligere intuentibus Vuam, Gladium, Serras, Cucumim uerò & colore & odore similem. Quominus miremur equorum capita in tam paruis eminere cochleis.

De Indici maris beluis. Cap. III.

Plurima autem & maxima in Indico mari animalia, è quibus Balenæ quaternum iugerum, Pristæ ducentum cubitorum: quippe ubi locustæ quaterna cubita impleant, Anguillæ quoque in Gange amne tricenos pedes. Sed in mari beluæ circa solstitia maximè uiuantur. Tunc illic ruunt turbines, tunc imbres, tunc deiectæ montium agis procellæ ab imo uertunt maria, pulsatasque ex profundo beluas cum fluctibus uoluunt, & aliàs tanta Thynnorum multitudine, ut magni Alexandri classis haud alio modo quam hostium acie obuia, contrarium agmè aduersa fronte direxerit: aliter sparsis non erat euadere, qui non uo-

ce, non sonitu, non ictu, sed fragore terrentur, nec nisi ruina turbantur. Cadara appellatur Rubri maris peninsula ingēs. Huius obiectu uastus efficitur sinus, XII dierum & noctium remigio enauigatus Ptolemæo regi, quando nullius auræ recipit afflatū. Huius loci quiete præcipua ad immobilem magnitudinem beluæ adolescunt. Gedrosi, qui Arbin amnem accolunt, Alexandri magni classium præfecto prodidere, in domibus fores è maxillis beluarū facere, ossibus tecta contignare: ex quibus multa quadragenū cubitorum longitudinis reperta. Exeunt & pecori similes beluæ ibi in terram, pastæque radices fruticum, remeant, & quædam equorum, asinorum, taurorum capitibus, quæ depascuntur sata.

Quæ in quoque oceano maxima.

Cap. II II.

Maximum animal in Indico mari Pristes & Balena est: in Gallico oceano Physeter, ingentis columnæ modo se attollens, altiorēque nauium uelis diluuiem quandā eructans. In Gaditano oceano Arbor in tantū uastis dispassa ramis, ut ex ea caussa fretū nunquā intrasse credatur. Apparent & Rotæ, appellatæ à similitudine, quaternis distinctæ radijs, modiolos earum oculis duobus utrinque claudentibus.

De Tritonum & Nereidum & Elephantorum & arietum marinorum figuris.

Cap. V.

Tiberio principi nunciauit Olyssiponensium legatio, ob id missa, uisum auditūque in quodā specu concha canentē Tritonē, qua noscitur forma. Et Nereidū falsa opinio non est: squāmis modò hispido corpore, etiā quā humanā effigiē habēt. Nanque hæc in eodē spectata littore est: cuius morietis etiam gemitū tristem accole audiuerē longē. Et D. Augusto legatus Galliæ, complures in littore apparere exanimēs Nereidas scripsit. Authores habeo in equestri ordine splendētes, uisum ab his in Gaditano oceano marinum hominē toto corpore absoluta similitudine, ascendere nauigia nocturnis temporibus: statimque degravari quas insederit partes, & si diutius permaneat, etiam mergi

mergi. Tiberio principe, contra Lugdunensis prouinciæ littus in insula simul trecentas amplius beluas reciprocans destituit oceanus, miræ uarietatis, & magnitudinis: nec pauciores in Santonû litore: interq; reliquas, Elephātos, & Arietes, cādore tantû cornibus assimilatis: Nercidas uerò multas. Turanius uerò prodidit expulsam beluā in Gaditana littora, cuius inter pinnas duas ultimæ caudæ, cubita sedecim fuissent, dentes eiusdē centū uiginti, maximi dodrantiū mēsurā, minimi semipedū. Beluæ cui dicebatur exposita fuisse Andromeda, effa Romæ, apportata ex oppido Iudææ Ioppe, ostēdit inter reliqua miracula ædilitate sua M. Scaurus, lōgitudine pedū XL, altitudine costarū Indicos Elephātos excedēte, spinæ crassitudine sesquipedali.

De Balenis, & Orcis.

Cap. VI.

Balenæ & in nostra maria penetrāt. In Gaditano oceano nō ante brumiā conspici eas tradunt: condi autē æstatis temporibus in quodam sinu placido & capaci, mirè gaudentes ibi pārere. Hoc scire Orcas, infestā his beluam, & cuius imago nulla representatione exprimi possit alia, q̃ carnis immensæ dentibus truculentæ. Irrumpunt ergo in secreta, ac uitulos earū, & fætās, uel etiamnū grauidas lācinant morsu, incurſuque ceu liburnicarū rostris fodiunt. Illæ ad flexum immobiles, ad repugnandū inertes, & pondere suo oncratæ, tūc quidem & utero graues, pariedīue pānis inualidæ, solum auxiliū no uere in altū profugere, & se toto defendere oceano. Contrā Orcae occurrere laborant, seseque opponere, & cautium angustijs trucidare, in uada urgere, saxis illidere. Spectātur ea prælia ceu mari ipso sibi irato, nullis in sinu uētis: fluctibus uerò ad anbelitus iētūsque, quātos nulli turbines uoluant. Orca & in portu Hostiēsī uisa est, oppugnata à Claudio principe. Venerat tunc exædificante eo portū, inuitata naufragijs tergorū euektorū è Gallia: satiānsq; se per cōplures dies, alucum in uado sulcauerat, accumulata fluctibus in tantum, ut circumagi nullo modo posset, & dum saginam persequitur, in littus

## C. PLINII NATVRALIS

fluctibus propulsa, eminente dorso multum super aquas carinae uice inuersae. Protendi iussit Caesar plagas multiplices inter ora portus, profectusque ipse cum pratorianis cohortibus, populo Romano spectaculum praeiuit, lanceas congerente milite è nauigijs assultantibus, quorum unum mergi uidimus, reflatu beluae oppletum unda. Ora Balenae habent in frontibus, ideoque summa aqua annatantes, in sublime nimbos efflant.

An spirant pisces, an dormiant.

Cap. VII.

Spirant autem cōfessione omniū & paucissima animalia in mari, quae interiorum uiscerū pulmonem habent, quoniā sine eo nullum animal putatur spirare: nec pisciū brāchias habentes, anbelitū reddere, ac per uices recipere existimāt, quorū haec opinio est: nec multa alia genera etiam branchijs carentia: in qua sententia fuisse Aristotelem uideo, & multis persuasisse doctrinae indaginibus. Nec me protinus huic opinioni eorum accedere haud dissimulo: quoniā & pulmonum uice alijs possunt alia spirabilia inesse uiscera, ita uolente natura, sicut & pro sanguine multis alius humor. In aquas quidem penetrare hunc uitalem halitum quis miretur, qui etiā reddi ab his eum cernat, & in terras, tanto quoque spiriorē naturae partē, penetrare, argumento animalium quae semper defossa uiuunt, ceu talpae? Accedit apud me certae efficaciae ut credā omnia in aquis spirare naturae suae sorte, primum saepe annotata pisciū aestiuo calore quaedā anbelatio, & alia tranquillo uelut oscitatio: ipsorum quoque, qui sunt in aduersa opinione, de somno pisciū confessio (quis enim sine respiratione somno locus?) praeterea bullantiū aquarū sufflatio, lunaeque effectū concharū quoque corpora augefcētia. Super omnia esse auditū & odoratum piscibus, non erit dubium, ex aëris utrūque materia. Odorē quidem non aliud, quā insectum aëra intelligi posse. Quam ob rem de his opimentur ut cuique libitum erit. Branchiae non sunt Balenis, nec Delphinis. Haec duo genera fistulis spirant, quae ad pulmonem pertinent Balenis à fronte,

fronte, Delphinis à dorso. Et uituli marini, quos uocant Phocas, spirant, & dormiunt in terra: item Testudines, de quibus mox plura.

De Delphinis.

Cap. VIII.

Velocissimum omnium animalium non solum mariorum Delphinus, sed ocyor uolucres, acrior telo: ac nisi multum infra rostrum os illi foret medio penè in uentre, nullus piscium celeritate eius euaderet: sed affert moram prouidentia naturæ, quia nisi resupini atque conuersi, non corripiunt: quæ caussa præcipue uelocitatem eorum offendit. Nam cum fame concitati, fugientem in uada ima persecuti piscem, diutius spiritum continere, ut arcu emissi ad respirandum enicant: tantumque; ut exiliunt, ut plerumque; uela nauium transuolent saltu. Agunt uerè coniugia, pariunt catulos decimo mense, æstiuo tempore. Interdum & binos nutriunt uberibus, sicut Balena: atque; etiā gestant fœtus in infanzia infirmos. Quinetiā adultos diu comitantur, magna erga partum charitate. Adolescunt celeriter: decem annis putantur ad summam magnitudinem peruenire. Viuent etiā tricenis, quod cognitum præscissa cauda in experimentum. Abduntur tricenis diebus circa Canis ortum, occultatūque; incognito modo. Quod eo magis mirum est, si spirare in aquis nequeunt. Solent in terram erumpere incerta de caussa, & statim tellure tacta moriuntur, multumque; ocyus fistula obturata. Lingua est: bis, contra naturam aquatiliū, mobilis, breuis atque; lata, haud differens suillæ. Pro uoce, gemitus humano similis: dorsum repandū, rostrum sinuum: quæ de caussa uomen Simonis omnes miro modo agnoscunt, maluntque; ita appellari. Delphinus non tantum hominis amicum animal, uerum & musica arte mulcetur, symphonice cætu, & præcipue hydraulico sono. Hominem non expauescit ut alienum: obuiam nauigijs uenit, alludit exultans, certat etiā, & quauis plena præterit uela. Diu autem Augusto principe Lucrinum lacum inuectus, pauperis cuiusdam puerum ex Baiano Puteolos in ludum literarium itantem, cum meridiano immorans appellatum cum Simonis nomine, sæpius fragmentis panis, quem ob id



ferebat, allexisset, miro amore dilexit. Pigeret referre, ni res Mecæ-  
 natis & Flauiani & Flauij Alfi multorumque esset literis mādāta.  
 Quocunque diei tempore inelamatus à puero, quamuis occultus at-  
 que abditus, ex imo aduolabat: pastūsque è manu, præbebat ascensuro  
 dorsum, pinnæ aculeos uelut uagina condens: receptūque, Puteolos  
 per magnum æquor in ludum ferebat, simili modo reuebens, pluribus  
 annis: donec morbo extincto puero, subinde ad consuetum locum uen-  
 titans, tristis, & mærenti similis, ipse quoque (quod nemo dubitaret)  
 desiderio expirauit. Alius inter hos annos in Africo littore Hipponis  
 Diarrhyti simili modo ex hominū manibus uescens, ferēnsque se tra-  
 ctandum, & alludens natantibus, impositosque portans, unguento  
 perunctus à Flauiano proconsule Africæ, & sopitus (ut apparuit)  
 odoris nonitate, fluctuatusque similis exanimi, caruit hominum con-  
 uersatione, ut iniuria fugatus, per aliquot mēses: mox reuersus, in eo-  
 dem miraculo fuit. Iniuriæ potestatum inhosptiales ad uisendum ue-  
 nientium, Hipponenses in necem eius compulerunt. Ante hæc similia  
 de puero in Iasso urbe memorātur, cuius amore spectatus longo tem-  
 pore, dum abeuntem in litus auidè sequitur, in arenam inuectus expi-  
 rauit. Puerū Alexāder magnus Babylone Neptuni sacerdotio præ-  
 fecit, amorem illum numinis propitiū fuisse interpretatus. In eadem  
 urbe Iasso Hegesidemus scribit & alium puerum Hermiam nomine,  
 similiter maria perequitantē, cum repentinæ procellæ fluctibus exa-  
 nimatus esset, relatum: Delphinūq; causam lethi fatentem, non re-  
 uersum in maria, atq; in sicco expirasse. Hoc idem & Napaëti ac-  
 cidisse Theophrastus tradit. Nec modus exemplorum. Eadem Am-  
 philochij & Tarentini de pueris Delphinis que narrant: que faciūt  
 ut credatur, Arionem quoque citharædicæ artis interficere nautis  
 in mari parantibus, ad intercipiendos eius questus eblanditum ut prius  
 caneret cithara, congregatis cantu Delphinis, cum se iecisset in ma-  
 re, exceptum ab uno, Tanarum in litus peruectum. Est prouinciæ  
 Narbonensis



Narbonēsis & in Nemausensi agro stagnum Laterna appellatum, ubi cum homine Delphini societate piscantur. Innumera uis mugilum flato tempore angustis faucibus stagni in mare erumpit, obseruata æstus reciprocatione: qua de caussa prætendi non queunt retia, quæ molem ponderis ullo modo tolerant, etiã si non solertia insidictur temporì. Simili ratione in altum protinus tendunt, quod uicino gurgite efficitur, locumq; solum pandendis retibus habilem effugere festinant. Quod ubi animaduertēre piscantes, cōcurrit autem multitudo temporis gnara, & magis etiam uoluptatis huius auida, totusque populus è littore quanto potest clamore conciet Simonem ad spectaculi euentum: celeriter Delphini exaudiunt desideria, Aquilonū flatu uocem prosequente, Austro uerò tardius ex aduerso referēte. sed tunc quoque improuiso in auxilium aduolant. Propere apparet acies, quæ protinus disponitur in loco ubi coniecta est pugna. Opponunt sese ab alto, trepidosque in uada urgent. Tunc piscatores circumdant retia, furcisq; subleuant. At mugilum nihilominus uelocitas transilit: at illos excipiunt Delphini, & occidisse ad præsens contenti, cibos in uictoriam differunt. Opere prælium feruet, includiq; retibus se fortissime urgentes gaudent. Atque ne id ipsum fugam hostium stimulet, inter nauigia & retia natantesue homines ita sensim elabuntur, ut exitus non appareat. Salto, quod est aliàs blandissimum his, nullus conatur euadere, ni summittantur sibi retia. Egressi protinus ante uallum præliantur. Ita peracta captura, quos interemere, diripiunt. Sed enixioris operæ quàm in unius dici præmium, ut conscij sibi, opperiantur in posterum: nec piscibus tantum, sed intrita panis è uino satiantur. Quæ de eodem genere piscandi in Iassio sinu Mutianus tradit, hoc differunt, quòd ultro neque in clamati præstò sint, partēque è manibus accipiant, & suum quæque cymba è Delphinis socium habeat, quauis noctu, & ad faces. Ipsis quoque inter se est publica societas. Capto à rege Cariae, alligatōq; in portu Delphino, ingens re-

## C. PLINII NATVRALIS

liquorum conuenit multitudo, mæstitia quadam, quæ posset intelligi, miserationem petens, donec dimitti rex eum iussit. Quin & paruos semper aliquis grandior comitatur ut custos. Conspicique sunt iam defunctum portantes, ne laceraretur à beluis.

De Tursionibus aquatilibus.

Cap. IX.

Delphinorum similitudinem habent qui uocantur Tursiones. Distant & tristitia quidem aspectus, abest enim illa lasciuiæ, maxime tamen rostris canicularum maleficentia assimilati.

De testudinibus quomodo capiantur.

Cap. X.

Testudines tantæ magnitudinis Indicum mare emittit, ut singularum superficies, habitabiles casas integat, atque inter insulas Rubri præcipue maris his nauigent cymbis. Capiuntur multis quidem modis, sed maxime euectæ in summa pelagi, aut meridiano tepore blandito, eminente toto dorso per tranquilla fluitantes, quæ uoluptas liberè spiradi, in tantum fallit oblitæ sui, ut Solis uapore siccato cortice, non queant mergi, inuitæque fluitent, opportuna uenatium præda. Ferunt & pastum egressas noctu, anidæque saturatas, lassari: atque ut remearint matutino, summa in aqua obdormiscere: id prodi stertentium sonitu: tumque leuiter capi. Adnatæ enim singulis ternos: à duobus in dorsum uerti, à tertio laqueum iniici supinæ, atq; ita ad terram à pluribus trahi. In Phœnicio mari haud ulla difficultate capiuntur, ultróque ueniunt stato tempore anni in annem Eleutherum effusa multitudine. Dentes non sunt Testudini, sed rostri margines acuti, superna parte inferiorem claudente pyxidum modo. In mari uiuunt conchyliis, tanta oris duritia, ut lapides comminuant. In terram egressæ, in herbis pariunt oua, auium ouis similia, ad centena numero. Eaq; defossa extra aquas, & cooperta terra, ac pauca petiore & complanata, incubant noctibus. Educant sætus annuo spatio. Quidam oculis spectando quoq; oua foueri ab ijs putant. Fæminam coitum sugere, donec mas festucam aliquam imponat aduersæ.

Troglodytæ

Troglodytæ cornigeras habet, ut in lyra, annexis cornibus latis, sed mobilibus, quorum in natando remigio se adiuvant: Celetum genus id uocatur, eximie testudinis, sed raræ. Nanque quasi scopuli præacuti Chelonophagos terrent. Troglodytæ autem ad quos adnatat, ut sacras adorant. Sunt et terrestres, quæ ob id in operibus Chersinæ uocantur, in Africæ desertis, qua parte maximè sitiētibus arenis squalent, roscido, ut creditur, humore uiuentes. Neque ibi aliud animal prouenit.

Quis primus Testudines secare instituit. Cap. XI.

Testudinum putamina secare in laminas, lectosque et repositoria his uestire, Caruilius Pollio instituit, prodigi et sagacis ad luxuriæ instrumenta ingenij.

Tegmenta aquatiliū. Cap. XII.

Aquatiliū tegmenta plura sunt. Alia corio et pilis teguntur, ut Vituli, Hippopotami. Alia corio tantum, ut Delphini: cortice, ut Testudines: silicū duritia, ut Ostrea et Cōchæ: crustis, ut Locustæ: crustis et spinis, ut Echini: squamis, ut pisces: aspera cute, ut Squatina, qua lignum et eborā poliuntur: leni, ut Murenæ: alia molli, ut Polypus.

De Vitulo marino. Cap. XIII.

Quæ pilo uestiuntur, animal pariunt, ut Pristes, Balena, Vitulus. hic parit in terra pecudum more. Secundas partu reddit. Initu, canū modo coheret: et parit nūquam geminis plures. educat mammis factum. Non autē duodecimum diem deducit in mare, ex eo subinde assuefaciens. Interficiuntur difficulter, nisi capite eliso. Ipsi in somno mugitus, unde nomen uituli accipiūt. Tenent disciplinam, uocēque pariter et uisu populum salutant. Incondito fremitu nomine uocati respondent. Nullum animal grauiore somno premitur. Pinnis quibus in mari utuntur, humi quoque uice pedum serpunt. Pelles eorum etiā

## C. PLINII NATVRALIS

detraetas corpori, sensum æquorum retinere tradunt, semperq; æstu maris recedente inhorrescere. præterea dextræ pinnæ uim soporiferam inesse, somnósque allicere subditam capiti.

De piscibus pilo carentibus, & quomodo pariant, & quot  
eorum genera. Cap. XIII.

Pilo carentium duo omnino animal pariūt, Delphinus, ac Vipera. Piscium species sunt septuagintaquatuor, præter crustis intecta, quæ sunt triginta. De singulis aliàs dicemus. Nunc enim naturæ tractantur insignium.

De nominibus & naturis multorum piscium. Cap. XV.

Præcipua magnitudine Thynni. Inuenimus talenta quindecim pendisse: eiusdem caudæ latitudinem duo cubita & palmum. Sunt & in quibusdā annis haud minores, Silurus in Nilo, Efox in Rheno, Atilus in Pado, inertia pinguescens, ad mille aliquando libras, catenato captus hamo, nec nisi boum iugis extractus. Atqui hunc minimus appellatus Clupea, uenam quandam eius in faucibus mira cupidine appetens, morsu exanimat. Silurus grassatur ubicunq; est, omne animal appetens, equos innatantes sæpe demergēs, præcipuè in Mæno Germaniæ amne propter Lisboum, & in Danubio. Mari extrahitur porculo marino simillimus. Et in Borysthene memoratur præcipua magnitudo, nullis ossibus spinisue intersitis, carne prædulci. In Gæge Indiæ Platanistas uocant, rostro Delphini & cauda, magnitudine autem XV. cubitorum. In eodem esse Statius Sebosus haud modico miraculo affert Vermes, binis brachijs, LX. cubitorum, cæruleos, qui nomen à facie traxerunt. His tantas esse uires, ut Elephantos ad potum uenientes, mordicus apprehensa manu eorum, abstrahāt. Thynni mares sub uentre non habent pinnam. Intrant è magno mari Pontum uerno tempore gregatim, nec alibi fatificant. Cordylla appellatur partus, qui sætas redeūtes in mare autumno comitatur. Limosa uerò à luto Pelamides incipiūt uocari, & cum annum excessere tempus,

Thynni.

Thynni. Hi membratim caesi, ceruice & abdomine commendantur atq; clidio, recenti duntaxat, & tum quoq; graui ructu: cætera parte plenis pulpamenti sale asseruatur. Melandrya uocatur, caesis quer-nis assulis simillima. Viliissima ex his quæ caudæ proxima, quia pin-gui carent: probatissima ea quæ faucibus: at in alio pisce circa caudã exercitatissima. Pelamides in Apolectos particulatimq; consæctæ, in genera cybiorum dispartuntur. Piscium genus omne præcipua ce-leritate adolescit, maximè in Ponto. Causa, multitudo amniũ dulces inferentium aquas. Amiam uocant, cuius incrementum singulis die-bus intelligitur. Cum Thynnis hæc & Pelamides in Pontum ad dul-ciora pabula intrant gregatim cum suis quæq; ducibus, & primi o-mnium Sombri, quibus est in aquis sulphureus color, extrã qui cæ-teris. Hispaniæ Cetarias his replent, Thynnis non commeatibus. Sed in Pontũ nulla intrat bestia piscibus malefica, præter Vitulos & par-uos Delphinos. Thynni dextra ripa intrãt, exeunt læua. Id accidere existimatur, quia dextro oculo plus cernunt, utroque hebetè natura. Est in Euripo Thracij Bosphori, quo Propontis Euxino iungitur, in ipsis Europam Asiãq; separantis freti angustijs, saxum miri can-doris, à uado ad summa perlucēs, iuxta Chalcedonẽ in littore Asiæ. Huius aspectu repente territi, semper aduersum Byzantijs promon-torium, ex ea causa appellatũ auricornu, præcipiti petunt agmine. Itaque omnis captura Byzantijs est, magna Chalcedonis penuria, D. pass. medijs interfluētis Euripi. Opperiuntur ante Aquilonis flatum, ut secundo fluētũ exeant ex Ponto: nec nisi intrantes Pontũ Byzan-tijs capiuntur. Bruma non uagatur: ubicũq; deprehensi, usq; ad æqui-noctium ibi hybernant. Idem sæpe nauigia uelis euntia comitantes, mira quadã dulcedine per aliquot horarũ spatia & passũ millia à gubernaculis non separantur, ne tridente quidem in eos sæpius iactò territi. Quidam eos qui hoc è Thynnis faciant, Pompilos uocant. Multi in Propontide æstuant, Pontum non intrant. Item Solæ, cum

## C. PLINII NATVRALIS

Rhombi intrent, nec *sepia* est, cum *loligo* reperiatur. *Saxatiliū* Tur-  
 dus & *Merula* defunt, sicut *Cöchylia*, cum *Ostreæ* abundēt. Omnia  
 autem hybernant in *Aegæo*. In trantium *Pontū* soli non remeāt *Tri-*  
*chiae*. Græcis enim in plerisque nominibus uti par erit, quando alijs  
 atq; alijs eosdem diuersi appellauere tractus. Sed hi soli *Istrū* annem  
 subeunt, ex eo subterraneis eius uenis in *Adriaticum* mare defluunt:  
 itaque & illic descendentes nec unquam subeuntes è mari uisuntur.  
 Thynnorum captura est à *Vergiliarū* exortu ad *Arcturi* occasum:  
 reliquo tempore hyberno latent in gurgitibus imis, nisi tepore aliquo  
 euocati, aut pleniluijs. Pinguescunt & in tantum, ut debiscant. Vita  
 longissima his biennij. Animal est paruum, scorpionis effigie, aranei  
 magnitudine: hoc se & thynno, & ei qui gladius uocatur, crebrò  
*Delphini* magnitudinem excedenti, sub pinna affigit aculeo: tantòque  
 infestat dolore, ut in naues sæpenumero exiliani. Quod & aliàs fa-  
 ciunt aliorum uim timentes, mugiles maximè, tam præcipuè uelocita-  
 tis, ut transuersa nauigia interim superaretent.

De augurijs & diuersitate piscium. Cap. XVI.

Sunt & piscibus præscita in hac parte auguria. Siculo bello am-  
 bulante in littore *Augusto*, piscis è mari ad pedes eius exiliit: quo ar-  
 gumento uates respondere, *Neptunum* patrem adoptatè eum sibi,  
*Sex. Pompeio* repudiato (tanta erat naualis rei gloria) sub pedibus  
*Cæsaris* futuros, qui maria tempore illo tenerent. Piscium fæminæ  
 maiores quàm mares. In quodam genere omnino non sunt mares, sicut  
 in *Erythinis* & *Chromibus*. Omnes enim ouis grauidæ capiuntur.  
 Vagantur gregatim ferè cuiusq; generis squāmofi. Capiuntur ante  
 solis ortum: tum maximè piscium fallitur uisus. Noctibus quidem il-  
 lustribus æquè quàm die cernunt. Aiunt & si iteretur gurgès, inter-  
 esse capturæ: itaque plures secundo tractu trahi quàm primo. Gustu  
 olei maximè, dein modicis imbribus gaudent alunturq;. Quippe &  
 arundines, quanuis in palude prognatæ, non tamen sine imbre ado-  
 lescunt,

lescunt, & aliàs ubicunq; pisces in eadem aqua assidui, nisi appluat, exanimantur. Prægelidam hyemem omnes sentiunt, sed maxime qui lapidem habere in capite existimantur, ut Lupi, Coracini, Sciena, Pagri. Cum asperæ hyemes fuere, multi cæci capiuntur. Itaq; his mensibus iacent in speluncis conditi, sicut in terrestrium genere retulimus. Maxime Hippurus & Coracinus hyeme non capti, præterquã statis diebus paucis, & iisdem semper: Item Muræna & Orphus, Coger, Percæ, & saxatiles omnes. Terra quidem, hoc est uado maris excavato conditur per hyemes Torpedinæ, Psittam, Solæmq; tradunt. Quidam rursus æstus impatientia, medijs feruoribus sexagenis diebus latent, ut Glancus, Aselli, Auratæ. Fluviatilium Silurus caniculae exortu sideratur, & aliàs fulgure sopitur. Hoc & in mari accidere Cyprino putant: & alioqui totum mare sentit exortum eius sideris, quod maxime in Bosphoro apparet. Algæ enim & pisces superferuntur, ab imo uersa omnia.

De Mugili & alijs piscibus, & quod non iisdem ubique placeant.

Cap. XVII

Mugilum natura ridetur, in metu capite abscondito, totos se occultari credentiũ. Iisdem tamẽ tanta salacitas, ut in Phœnice & Narbonensi provincia coitus tempore è uiuarijs marem linea longinqua per os ad branchias religata emissum in mare, eadẽmq; linea retractum fœminæ sequantur ad litus, rursusq; fœminam mares partus tempore. Apud antiquos pisciũ nobilissimus habitus Acipenser. unus omnium squamis ad os uersis, contra aquã nando meat, nullo nunc in honore est: quod quidẽ miror, cum sit rarus inuentu. Quidã eum Elopem uocant. Postea præcipuã authoritatem fuisse Lupo & Asellis, Cornelius Nepos & Laberius poëta minorũ tradidere. Laporum laudatissimi, qui appellantur Lanati à candore mollitiãque carnis. Asellorum duo genera, Callariæ minores, & Bacchi, qui non nisi in alto capiuntur, idẽoque prælati prioribus. At in Lupis, in amne



## C. PLINII NATVRALIS

capiti præferuntur. Nunc Scarò datur principatus, qui solus piscium dicitur ruminare, herbisque uesci, non alijs piscibus, mari Carpathio maxime frequens. Promontorium Troadis Lecton sponte nunquam transit. Inde aduectos Tiberio Claudio principe Optatus Elipertius præfectus classis inter Ostiensem & Campaniæ oram sparsos disseminauit. Quinquennio ferè cura est adhibita, ut capiti redderetur mari. Postea frequentes inueniuntur Italiæ in littore, non ante ibi capti. Admouitq; sibi gula sapores piscibus satis, & nouum incolam mari dedit, ne quis peregrinas aues Romæ parere miretur. Proxima est his mensa generis duntaxat mustelarum, quas mirum dictu inter Alpes lacus quoq; Rhetiæ Brigantinus æmulas marinis generat. Ex reliqua nobilitate & gratia maxima est & copia Mullis, sicut magnitudo modica: binasq; libras ponderis raro admodum exuperant, nec in uiuarijs piscinisq; crescunt. Septentrionalis tantum hos & proxima occidentis parte gignit oceanus. Cætera eorum genera plura. Nam & alga uescuntur, & Ostreis, & limo, & aliorum piscium carne. barba gemina insigniuntur inferiori labro. Lutarium ex ijs uilissimi generis appellat. Hunc semper comitatur Sargus nomine alius piscis, & cænum fodiente eo, excitatum deuorat pabulum. Nec littoralibus gratia. Laudatissimi Conchylum sapiunt. Nomen his Fensella à colore Mulleorum calceamentorum datum putat. Partunt ter anno. His certè toties factura apparet. Mullum expirantem uersicolori quadam & numerosa uarietate spectari, procures gulæ narrat, rubentium squamarum multiplici mutatione pallecentem, utiq; si uitro spectetur inclusus. M. Apicius ad omnem luxum ingenio mirus, in sociorum garo (nam ea quoq; res cognomen inuenit) necari eos præcellens putauit, atq; è iecore eorum alecem excogitare prouocauit. Id enim est facilius dixisse, quam quis uicerit. Asinius Celer è cõsularibus, hoc pisce prodigus, Claudio principe unum mercatus 8. millibus nummum. quæ reputatio aufert transuersum animum ad contemplationem



tionem eorū qui in cōquestione luxus cocos emi singulos pluris quā  
e quos quirītabant. At nunc coci triumphorum precijs parantur, &  
coquorū pisces: nullusq; propè iam mortalis aestimatur pluris, quā  
qui peritissimè censum domini mergit.

De Mullo, Salpa, & Salmone.

Cap. XVIII.

Mullum 80. librarum in mari rubro captum Licinius Mutianus  
prodidit, quāti mercatura eum luxuria suburbanis littoribus inuen-  
tum? Et hæc natura, ut alij alibi pisces principatum obtineant: Cora-  
cinus in Aegypto: Zeus, idem faber appellatus, Gadibus: circa Ebu-  
sum Salpa, obsecænus alibi, & qui nusquā percoqui possit, nisi ferula  
uerberatus. in Aquitania Salmo fluuiatilis marinis omnibus præfer-  
tur. Piscii alij branchias multiplices habet, alij simplices, alij dupli-  
ces. his aquam acceptam ore, remittunt. Seneſtutis indicium, squam-  
marum duritia, quæ non sunt omnibus similes. Duo lacus Italie in ra-  
dicibus Alpium, Larius & Verbanus appellantur, in quibus pisces  
omnibus annis Vergiliarum ortu existunt squāmis conspicui crebris  
atque præacutis clauorum caligarium effigie: nec amplius quā cir-  
ca eum mensem uisuntur.

De exocæto.

Cap. XIX.

Miratur Arcadia suum Exocætum, appellatū ab eo quod in sic-  
cum somni caussa exeat. Circa Clitorium uocalis hic traditur, &  
sine branchijs. Idem aliquibus Adonis dictus. Exeunt in terram &  
qui marini Mures uocātur, & Polypi, & Murenæ. Quin & in In-  
diæ fluminibus certum genus piscium, ac deinde resilit. nam stagna  
& amnes transeunt. Plerisq; & euidēs ratio est, ut tutò factus edant,  
quia non sint ibi qui deuorent factus, fluctusque minus sæuiant. Has  
intelligi ab his caussas, seruarique temporum uices magis miretur, si  
quis reputet quoto cuique hominum nosci uberrimam esse capturam  
sole transeunte piscium signum.

## C. PLINII NATVRALIS

Digestio piscium in figuras corporum. Cap. XX.

Marinorum alij sunt plani, ut Rhombi, Soleæ, ac passeress, qui à Rhombis situ tantum corporum differunt. Dexter resupinatus est illis, passeri læuus. Alij longi, ut Murena, Cöger. Ideo pinnarum quoque sunt discrimina, quæ pedum uice datæ sunt piscibus, nullis supra quaternas. Quibusdam binæ, aliquibus nullæ. In Fucino tantum lacu piscis est, qui octonis pinnis natat. Binæ omnino longis & lubricis, ut Anguillis & Congris. Nullæ, ut Murenis, quibus nec branchiæ. Hæc omnia flexuoso corporum impulsu ita mari utuntur, ut serpentes terra. In sicco quoque repunt, ideo etiam uiuaciora talia. Et è planis aliqua non habent pinna, ut Paslinacæ. ipsa enim latitudine natant. Et quæ mollia appellantur, ut Polypi, quoniam pedes uicem pinnarum illis præstant.

De Anguillis.

Cap. XXI.

Anguillæ octonis uiuunt annis. Durant & sine aqua senis diebus Aquilone spirante, Austro paucioribus. At hyemem eadem in exigua aqua non tolerant, nec in turbida: ideoque circa Vergilias maximè capiuntur, fluminibus tum præcipuè turbidis. Pascuntur notibus. Exanimes piscium solæ non fluitant.

De lacu Benaco.

Cap. XXII.

Lacus est Italiæ Benacus, in Veronensi agro, Minciũ annuè transmittens, ad cuius emersus annuo tempore Octobri ferè mense, autumnali sidere, ut palàm est, hyemato lacu, fluctibus glomeratæ uoluntur in tantum mirabili multitudine, ut in excipulis eius fluminis ob hoc ipsum fabricatis singulorum nullum globi reperiantur.

De Murena.

Cap. XXIII.

Murena quocunq; tempore parit, cum ceteri pisces stato pariât. Oua eius citissimè crescunt. In sicco litore elapsas uulgas coitu serpentium impleri putat. Aristoteles Myrum uocat marem, qui generat. Discrimen esse, quòd Murena uaria & infirma sit, Myrus unicolor

color, & robustus, dentésq; extra os habeat. In Gallia septentrionali murenis omnibus dextra in maxilla septenæ maculae ad formam septentrionis aureo colore fulgēt, duntaxat uiuentibus, pariterq; cum anima extinguūtur. Inuenit in hoc animali documēta scēuitiæ Veditus Pollio eques Roma, ex amicis D. Augusti, uiuarijs earum immergēs damnata mancipia, non tanquam ad hoc feris terrarū non sufficiētib; sed quia in alio genere totū pariter hominem distrabi spectare non poterat. Ferunt aceti gustu præcipuē eas in rabiem agi. Tenuissimū his tergus, contrā Anguillis crassius, eōq; uerberari solitos tradit Verrius prætextatos: & ob id multam his dicit non institutam.

De planis piscibus.

Cap. XXIII.

Planorum piscium alterū est genus quod pro spina chartilagine habet, ut Raia, Pastinacæ, Squatinæ, Torpedo: & quos Bouis, Lamia, Aquile, Rana nominibus Græcia appellat. Quo in numero sunt Galei quoq; , quanuis non plani. Hæc Græcē in uniuersum Selache appellauit Aristoteles primus. Hoc nomine eis imposito nos distinguere non possumus, ni chartilaginea appellare libeat. Omnia autem carniuora sunt talia, & supina uescuntur, ut in Delphinus diximus. Et cum cæteri pisces oua pariant, hoc genus solum, ut ea quæ Cete appellant, animal parit, excepta quam Ranam uocant.

De Echeneide.

Cap. XXV.

Est paruus admodum piscis assuetus petris, Echencis appellatus. hoc carinis adhærēte, naues tardius ire creduntur, inde nomine imposito. quam ob causam amatorijs quoque ueneficijs infamis est, & iudiciorū ac litium mora: quæ crimina una laude pensat, fluxus gravidarum utero sistens, partūsq; cōtinens ad puerperium. In cibos tamen nō admittitur. Pedes cum habere arbitrantur ex Aristotele, ita posita pinnarū similitudine. Mutianus Muricem esse latiorē Purpura, neq; aspero, neq; rotundo ore, neq; in angulos prodeūte rostro, sed simplice, concha utroq; latere sese colligente: quibus inbærētibus

## C. PLINII NATVRALIS

plenam uentis stetitſſe nauem portantem nuncios à Periano dſſe ut caſtrarentur nobiles pueri: conchâſq; quæ id præſtiterunt, apud Gnidiorum Venerem coli. Trebius Niger ſemipedalem eſſe, & craſſitudine quinq; digitorum: naues morari. Præterea hanc eſſe uim eius aſſeruati in ſale, ut aurum quod deciderit in altiſſimos puteos, ad motus extrahat.

De uarietate naturæ piſcium. Cap. XXVI.

Mutant piſces colorem. Candidæ hyeme Menæ, & ſiunt æſtate nigriores. Mutat & Phycis, reliquo tempore candida, nere uaria. Eadem piſcium ſola nidificat ex alga, atque in nido parit. Volat Hirundo, ſanè perquam ſimilis uolucris hirundini.

De Miluo piſce, & Dracone marino. Cap. XXVII.

Item Miluus ſubit in ſumma maria, piſcis ex argumẽto appellatus Lucerna, linguæque ignea per os exerta, tranquillis noctibus relucet. Attollit cornua è mari ſeſquipedalia ſerè, Cornuta, quæ ab his nomẽ traxit. Ruſſus Draco marinus captus, atque immiſſus in arenam, cauernam ſibi roſtro mira celeritate excauat.

De piſcibus ſanguine carentibus. Cap. XXVIII.

Piſcium quidam ſanguine carent, de quibus dicemus. Sunt autem tria genera. in primis quæ mollia appellantur, deinde cõteſta cruſtis tenuibus, poſtremò teſtis incluſa duris. Mollia ſunt Loligo, Sepia, Polypus, & cætera eius generis. His caput inter pedes & uentrem, pediculi octoni omnibus. Sepiæ & Loligini pedes duo ex his longiſſimi & aſperi, quibus ad ora admovent cibos, & in fluctibus ſe uelut anchoris ſtabiliunt: cæteri cirri quibus uenantur.

De Loligine, & Sepijs, & Polypis, & Nautilis.

Cap. XXIX.

Loligo etiã uolitat, extra aquam ſe efferens, quod & Peſtunculi faciũt, ſagittæ modo. Sepiarum generis mares uarij, & nigriores, conſtantiæque maioris. Percuſſæ tridente ſæminæ auxiliantur,  
at ſæmina

at fœmina iſto mare fugit. Ambo autem ubi ſenſere ſe apprehendi: effuſo atramento, quod pro ſanguine his eſt, inſuſcata aqua abſconduntur. Polyporū multa genera: Terreni maiores quàm pelagici, & omnes brachijs ut pedibus ac manibus utuntur: cauda uerò quæ eſt biſulca & acuta, in coitu. Eſt Polypis fiſtula in dorſo quâ tranſmittunt mare. eam modò in dexterâ partem, modò in ſiniſtram tranſferunt. Natât obliqui in caput, quod prædurū eſt ſufflatione uiuētibus. Cæterum per brachia uelut acetabulis diſperſis, eo hauſto quodammodo cui adhæreſcunt, tenent ſupini, ut auelli non queant. Vada non apprehendunt: & grandibus minor tenacitas. Soli mollium in ſiccum exeunt duntaxat aſperum. læuitatem odere. Veſcuntur Conchyliorū carne, quorum conchas complexu criniū frangunt: itaq; præiacentibus teſtis cubile eorū deprehēditur. Et cum alioquin brutū babeatur animal, ut quod ad manū hominis adnatat, in re quodammodo familiari callet. Omnia in domū comportat, dein putamina eroſa carne egerit. adnatantes piſciculos ad ea, uenatur. Colorem mutat ad ſimilitudinem loci, & maximè in metu. Ipſum brachia ſua rodere falſa opinio eſt. Id enim à Congris euenit ei. Sed renaſci ſicut Colotis & La certis caudam, haud falſum. Inter præcipua autē miracula eſt qui uocatur Nautilus, ab alijs Pompilos. Supinus in ſumma æquorū peruenit, ita ſe paulatim ſubrigens, ut emiſſa omni per fiſtulam aqua, uelut exoneratus ſentina, facilè nauiget. Poſtea duo prima brachia retorquens, membranā inter illa miræ tenuitatis extendit. Qua ueliſicâte in auras, cæteris ſubremigans brachijs, media cauda ut gubernaculo ſe regit. Ita uadit alto, liburnicarū gaudens imagine: & ſi quid pauioris interueniat, hauſta ſe mergens aqua.

De Oxena, Nauplio, & Locuſtis. Cap. XXX.

Polyporum generis Oxena, dicta à graui capitis odore, ob hoc maximè murenis eam conſeſtantibus. Polypi binis menſibus cōduntur. Ultra bimatiū non uiuunt. Pereunt autē tabe ſemper, fœmina ce-

lerius, & ferè à partu. Non sunt prætereunda & L. Lucullo pro-  
 consule Baticæ cõperta de Polypis, quæ Trebius Niger è comitibus  
 eius prodidit, auidissimos esse concharũ. Illas ad tactum comprimi,  
 præcidentes brachia eorũ, ultroq; escam ex prædante capere. Carèt  
 conchæ uisu, omniq; sensu alio quàm cibi & periculi. Insidiatur ergo  
 Polypi apertis, impositoque lapillo extra corpus, ne palpitatu eijcia-  
 tur, ita securi grassantur, extrahuntq; carnes: illæ se contrahunt, sed  
 frustra, discuneatæ. Tanta solertia animalium hebetissimis quoque est.  
 Præterea negat ullum esse atrocius animal ad conficiendum hominẽ  
 in aqua. Luctatur enim complexu, & sorbet acetabulis, ac numeroso  
 suctu detrahit eum. In naufragos urinátæ sue impetũ capit. Sed si in-  
 uertatur, elanguescit uis. Exporrigunt enim se resupinati, mirè omni-  
 bus marinis expecttibus odorem quoq; eorũ: quæ de causa & nascis  
 illinuntur. Cætera quæ idem retulit, mōstro propiora possunt uideri.  
 Carteie in cetarijs assuetus quidam Polypus exire è mari in lacus  
 eorũ apertos, atq; ibi salsa uenta populari, cōuertit in se custodũ in-  
 dignationẽ assiduitate furti immodici. Sepes erāt bis obiectæ, sed has  
 transcendebat per arborẽ, nec deprehēdi potuit nisi canũ sagacitate.  
 Hi redeuntem circumuasere noctu, cõciliq; custodes expauere noui-  
 tatem. Primum omnium magnitudo inaudita erat, deinde color muria  
 obliiti odore diri. Quis ibi Polypũ expecttasset, aut ita cognosceret?  
 cum monstro dimicare sibi uidebatur. Nanq; & afflatu terribili ca-  
 nes agebat, nunc extremis crinibus flagellatos, nunc robustioribus bra-  
 chijs clauarũ modo incussos: agrẽq; multis tridentibus cõfici potuit.  
 Ostēdere Lucullo caput eius dolij magnitudine, amphorarum 15. ca-  
 pax, atq; (ut ipsius Trebij uerbis utar) barbas quas uix utroq; bra-  
 chio cõplecti esset, clauarũ modo torosas, longas pedum 30. acetabu-  
 lis siue caliculis urnalibus peluiũ modo, dentes magnitudinĩ respon-  
 dentes. Reliquæ asseruatæ miraculo, pependere pondo 700. Sepias  
 quoq; & Loligines eiusdẽ magnitudinis expulsas in littus illud, idem

author

author est. In nostro mari Loligines quinâm cubitorû capiuntur, Sepiæ binum. Neq; his bimatu longior uita. Nauigerâ similitudinē & aliâ in Propontide uisam sibi prodidit Mutianus: conchâ esse acatij modo carinatâ, inflexa puppe, prora rostrata: in hac cõdi Nauplium animal Sepiæ simile, ludendi societate sola. duobus hoc fieri generibus. Tranquillo enim uectorem demissis palmulis ferre ut remis. Si uerò status inuitent, easdem in usu gubernaculi porrigi, pandiq; concharû sinus aura. Huius uoluptatem esse ut ferat, illius ut regat. Similq; eam descendere incluso sinu fluctu hausto territam: nisi fortè tristi (id enim constat) omne nauigantium humana calamitas in causâ est Locustæ crusta fragili muniûtur in eo genere quod caret sanguine. Latet mensibus quinis. Similiter Cæcri, qui eodem tempore occultantur: & ambo ueris principio senectutē anguiû more exuunt renouatione tergorû. Cætera in aquis natant, Locustæ reptantium modo fuitât. Si nullus ingruat metus, recto meatu, cornibus, quæ sunt rotunditate præpilata, ad latera porrectis: iisdem erectis in pauore obliquè in latera procedunt. Cornibus inter se dimicant. Vnum hoc animalium, nisi uiuum feruenti aqua incequatur, fluida carne non habet callum.

De Cancris, Echinis, & Echinometris. Cap. XXXI.

Viunt petrosi locis, Cancris mollibus, Hyeme aprica littora festantur. Aestate in opaca gurgitû recedunt. Omnia eius generis hyeme leduntur, autumno & uere pinguescunt, & plenilunio magis, quia nocte sidus tepido fulgore mitificat. Cancrorum genera, Carabi, Astaci, Maiæ, Paguri, Heracleotici, Leones, & alia ignobiliora. Carabi à cæteris Cancris cauda distant. In Phœnice Hippeæ uocantur, tantæ uelocitatis, ut consequi nō sit. Cancris uita longa. Pedes octoni omnibus in obliquum flexi. Fæminæ primus pes duplex, mari simplex. Præterea bina brachia denticulatis forcipibus. Superior pars in primoribus his mouetur, inferiore immobili. Dextrum brachium



omnibus maius. Vniuersi ubi aliquando congregantur, os ponti euincere nō ualent: quamobrem regressi circumeunt, apparētq; tritū iter. Pimothet autem uocatur minimus ex omni genere, ideo opportunus iniuriæ. Huic solertia est inanium Ostrearū testis se cōdere: & cum accreuerit, migrare in capaciores. Cancrī in panore etiā retrorsum pari uelocitate redeunt. Dimicant inter se ut arietes aduersis cornibus incurstantes. Contra serpentū ictus medentur. Sole Cancrī signū transeunte, & ipsorum, cum exanimati sint, corpus transfigurari in scorpiones narratur in sicco. Ex eodem genere sunt Echini, quibus spinæ pro pedibus. Ingressi est bis in orbem uolui, itaq; detritis sæpe aculeis inueniuntur. Ex his Echinometræ appellantur, quorum spinæ longissimæ, calices minimi. Nec omnibus idem uitreus color. Circa Toronem candidi nascuntur spina parua. Oua omniū amara, quina numero. Ora in medio corpore in terram uersa. Tradunt sæuitiam maris præfagire eos, correptisq; operiri lapillis, mobilitatem pōdere stabilientes. nolunt uolutatione spinas atterere. Quod ubi uidere nautici, statim pluribus ancoris nauigia infrenant.

## De Cochleis.

## Cap. XXXII.

In eodem genere sunt Cochleæ, aquatiles, terrestresq; , exerentes se domicilio, bināq; ceu cornua protendentes, contrahentēsq; . Oculis carent, ideo corniculis prætentant iter.

## De Pectinibus, Murice, &amp; Cōcharū generibus. Cap. XXXIII.

Pectines in mari ex eodem genere habentur, reconditi & ipsi in magnis frigoribus, ac magnis aestibus, Vnguēsque uelut igne lucētes in tenebris, etiā in ore mandentium. Firmioris iam testæ Murices, & Concharum genera, in quibus magna ludentis naturæ uarietas, tot colorum differentiæ, tot figuræ, planis & concavis, longis, limatis, in orbē circūactis, dimidio orbe cæsis, in dorsum elatis, læuibus, rugatis, denticulatis, striatis, uertice muricatum intorto, margine in mucronē emisso, foris effuso, intus replicato: iā distinctione uirgulata, crinita,

crispā,



crispa, cuniculatim, pectinatim, imbricatim undata, cancellatim reticulata, in obliquum, in rectum expansa, praedensata, porrecta, sinuata breui nodo ligatis, toto latere conexis, ad plausum apertis, ad buccinā re curuis. Nauigant ex his Neritæ, præbentēsque concauam sibi partem, & alteram auræ opposcentes, per summa æquorum uelificant. Saliunt Pectines, & extra uolitant, seque & ipsi carinant.

De diuitijs marinis.

Cap. XXXIIII.

Sed quid hæc tam parua commemoro, cum populatio morum atque luxuria non aliunde maior quàm è Concharum genere proueniat? Iam quidem ex tota rerum natura damnosissimum uentri mare est, tot modis, tot mensis, tot piscium saporibus, quibus pretia capiendum periculo sunt.

Quomodo nascantur, & ubi & quomodo inueniantur  
margaritæ.

Cap. XXXV.

Sed quota hæc portio est reputatibus Purpuras, Cœchylia, Margaritas? Parum scilicet fuerat in gulas condi maria, nisi manibus, auribus, capite, toto corpore à fœminis iuxta uirisque gestarentur. Quid mari cum uestibus? Quid undis fluctibusque cum uellere? Non rectè recipit hic nos rerū natura nisi nudos. Eslo, sit tanta uentri cum eo societas, quid tergori? Parum sit, nisi qui uestimur periculis, etiam uestiamur. Aded per totum corpus animæ hominis periculo quæ sita maxime placent. Principium ergo culmenque omnium rerum pretij, Margaritæ tenent. Indicus maxime has mittit oceanus. Inter illas beluas tales tantæque, quas diximus, per tot maria uenientes, tam longo terrarum tractu, è tantis solis ardoribus, atque Indicis quoque insulis petūt, & admodū paucis. Fertilissima est Taprobane & Toïdis, ut diximus, in circuitu mundi. Item Perimula promontorium Indicæ. Præcipuè autem laudantur circa Arabiam in Persico sinu maris rubri. Origo autem atque genitura Conchæ, est hand multum Ostrearum conchis differens. Has ubi genitalis anni stimulaucrit

## C. PLINII NATVRALIS

hora, pandentes sese quadam oscitatione impleri roscido conceptu tradunt, grauidas postea eniti, partumq; Concharum esse margaritas, pro qualitate roris accepti: si purus influxerit, candorem conspici: si uero turbidus, & fœtum sordescere: eundem pallere cœlo minante conceptum: ex eo quippe constare, cœlique eis maiorem societatem esse quàm maris: inde nubilum trahi colorem, aut pro claritate matutina serenum. Si tempestiue satientur, grandescere & partus. Si fulguret, comprimi Cœchas, ac pro ieiunij modo minui. Si uero & tonuerit, pauidas ac repente compressas, quæ uocant physmata efficere speciem, uerùm inani inflatam, sine corpore: hos esse Concharum abortus. Sani quidem partus multiplici constant cute, non improprie callum ut existimari corporis possit. itaque & purgantur à peritis. Miror ipso tantum eas cœlo gaudere, sole rubescere, candoremque perdere, ut corpus humanum. Quare præcipuum custodiunt, pelago altiusmersæ, quàm ut penetrent radij. Flauescunt tamē & illæ senectæ, rugisq; torpescunt: nec nisi iuuenta constat ille qui queritur uigor. Crassescunt etiam in senectæ, cœchisq; adhærescunt, nec ab ijs auelli queunt nisi lima: quibus una tantum est faciès, & ab ea rotunditas, auersis planicies, ob id tympania nominantur. Cohærentes uidemus in Conchis hac dote unguenta circumferentibus. Cætero in aqua mollis Vnio, exemptus protinus durefcit. Cœcha ipsa cum manum uidet, comprimit sese, operisq; opes suas, gnara propter illas se peti: manumque si præueniat, acie sua abscondit, nulla iustiore pœna, & alijs munita supplicijs. Quippe inter scopulos pars maior inuenitur, sed in alto quoque comitantur marinis canibus, nec tamen aures fœminarum arcentur. Quidam tradunt, sicut apibus, ita Cœcharum examinibus singulas magnitudine & uetustate præcipuas esse ueluti duces, miræ ad cauendum solertiæ. has urinantium cura peti, illis captis facile cæteras palantes retibus includi. Multo deinde obrutas sale in uasis fictilibus, erosa carne omni, nucleos quosdam corporum, hoc est uniones

uniones decidere in ima. Vsu atteri non dubium est, colorémque indiligentia mutari. Dos omnis in candore, magnitudine, orbe, lætore, pondere, haud promptis rebus, in tantum, ut nulli duo reperiantur indiscreti: unde nomen unionum Romanæ scilicet imposuere deliciæ. Nam apud Græcos non est, nec apud barbaros inuentores eius aliud quàm margaritæ. Et in candore ipso magna differentia. Clavior in rubro mari repertus. Indicus specularium lapidum squamas assimilat, aliàs magnitudine præcellens. Summa laus coloris est exaluminatos uocari. Et procerioribus sua gratia est. Elenchos appellant fastigiata longitudine, alabastrorum figura in pleniorē orbem desinentes. Hos digitis suspendere, & binos ac ternos auribus, fœminarum gloria est. Subeunt luxuriæ eius nomina & tædia exquisita perditione portatu, siquidem cum id fecere, crotalia appellant, ceu sono quoque gaudeant, & collisu ipso margaritarum. Affectantque iam & pauperes, licitatorē fœminæ in publico unionem esse dictantes. Quin & pedibus: nec crepidarum tantum obstragulis, sed totis socculis addunt. Neq; enim gestare iam margaritas, nisi calcant, ac per uniones etiam ambulent, satis est. In nostro mari reperiri solebant, crebrius circa Bosphorum Thracium, ruffi ac parui in Cœchis, quas Myas appellant. At in Acarnania, quæ uocatur pinna gignitur. Quo apparet non uno Conchæ genere nasci. Nam & Iuba tradit Arabicis Concham esse similem pectini insecto, hirsutam Echinorum modo, ipsum unionem in carne ipsa esse grandini similem. Conchæ non tales ad nos afferuntur. Nec in Acarnania autē laudati reperiuntur, enormes ferè, concolorésque marmor. Meliores circa Aethiū, sed & hi parui, & in Mauritaniæ maritimis. Alexander Polyhistor & Sudimes senescere eos putāt, colorémq; expirare: Eorū corpus solidum esse manifestum est: q̄ nullo lapsu franguntur. Non autem semper in media carne reperiuntur, sed alijs atq; alijs locis. Vidimusque iam extremis etiam marginibus uelut è Concha exeuntes, & in quis-

mensam secundam insit. Ex præcepto ministri unum tantum uas. ante eam posuere aceti, cuius asperitas uisque in tabem margaritas resoluit. Gerebátque auribus tum maxime singulare illud & uerè unicum naturæ opus. Itaque expectante Antonio quidnam esset actura, detractum alterum merisit, ac liquefactum absorbuit. Iniecit alteri manum L. Plancus iudex sponsonis eius, eum quoque paranti simili modo absumere: uictumque Antonium pronunciauit, homine irato. Comitetur fama unionis eius parem, capta illa tantæ questionis uictrice regina dissectum, ut esset in utrisque Veneris auribus Romæ in Pantheo dimidia eorum cæna. Non ferent tamen hanc palmam, spoliabunturque etiam luxuriæ gloria. Prior id fecerat Romæ in unionibus magnæ taxationis Clodius tragædi Aesopi filius, relictus ab eo in amplis opibus hæres (ne Triumviratu suo nimis superbiat Antonius, penè histrioni comparatus) & quidem nulla sponsonem ad hoc perductus, quo id magis regium erat, sed ut experiretur in gloria palati quid saperent margaritæ: atque ut mirè placuere, ne solus hoc sciret, singulos uniones conuiuiis ad sorbendum dedit. Romæ in promiscuum ac frequentem usum uenisse Alexandria in ditionem redacta: primum autem cæpisse circa Syllana tempora minutas & uiles Foenestella tradit, manifesto errore, cum Aelius Stilo Iugurthino bello unionum nomē impositum maxime grandibus margaritis prodat. Et hoc tamen æternæ propè possessionis est. Sequitur hæredem, in mancipatum uenit ut prædium aliquod. Conchyliis & purpuris omnis ora atterit, quibus eadem mater luxuria paria penè etiam margaritis precia fecit.

De natura Purpuræ & Muricis. Cap. XXXVI.

Purpuræ uiuunt annis plurimum septenis. Latent sicut Murices circa canis ortum tricenis diebus. Congregantur uerno tempore, mutuoque attritu lentorem cuiusdam ceræ saluāt. Simili modo & Murices. Sed Purpuræ florem illum tingēdis expetunt uestibus, in me-

dijs habent faucibus. Liquoris hic est minimi in candida uena, unde preciosus ille bibitur nigrantis rosæ colore sublucescens. Reliquum corpus sterile. Viuas capere contendunt, quia cum uita succum illum euomunt. Et maioribus quidem purpuris detracta concha auferunt, minores trapezis frangunt, ita demum rorem eum excipientes Tyrij. Præcipuus hic Asiæ, in Meninge Africæ, & Getulo litore oceani. in Laconica Europæ. Hinc fasces securæque Romanæ uiam faciunt, idemque pro maiestate in pueritia est. Distinguit ab equite curiam, dijs aduocatur placandis, omnemque uestem illuminat. in triumphali miscetur auro: quapropter excusata & Purpuræ sit infamia. Sed unde Conchylijs præcia? Quis uirus graue in fūco, color austerus in glauco, & irascenti similis mari? Lingua Purpuræ longitudine digitali, qua pascitur perforando reliqua Conchyliis: tanta duritia aculeo est. Aqua dulci enecatur, & sicubi flumini immerguntur: alioquin captæ, diebus quinquagenis uiuunt salina sua. Conchæ omnes celerrimè crescunt, præcipuè Purpuræ. anno magnitudinem implent. Quòd si hætenus transcurrat expositio, fraudatæ se protinus luxuria credat, nos indiligentiæ damnet. Quamobrem persequemur etiam officinas: ut tanquam in uictu frugum noscitur ratio, sic omnes qui istis gaudent, præmia uitæ suæ calleant. Concharum ad purpuras & cōchyliis eadem quidem est materia, sed distat temperamento. Duo sunt genera: Buccinum minor concha, ad similitudinem eius buccini quo sonus editur, unde & caussa nomini, rotunditate oris in margine incisâ. Alterum Purpura uocatur, cuniculatim procurrente rostro, & cuniculi latere introrsus tubulato, quâ proferatur lingua. Præterea clauatum est ad turbinem usque aculeis in orbem septenis ferè, qui nō sunt buccino, sed utrisque orbes totidem quot habent annos. Buccinum non nisi petris adhæret, circâque scopulos legitur.

Quot sunt genera.

Cap. XXXVII.

Purpuræ nomine alio Pelagiæ uocantur. Earum genera plura, pabulo

pabulo & solo discreta. Lutenſe putri limo, & algenſe enutritum alga, uiliſſimum. Vtriſque melius Teneiſe in Tenei maris ora collectum. Hoc quoque tamen etiamnum leuius atque dilutius. Calculoſæ appellantur à calculo maris, mirè apto conchylijs, & longe optimo purpuris. Dialutenſe, id eſt uario ſoli genere paſtum. Capiuntur autem purpuræ paruulis rariſq; conchis textu uelui naſſis in alto iactis. Ineſt ijs eſca cluſiles mordacèſque conchæ, quales uidemus has ſemineces, ſed redditas mari auido biatu reuiuſcentes. Appetunt eas Purpuræ, porrectiſque linguis infeſtant: at illæ aculco extimulatae claudunt ſeſe, comprimuntque mordentia: ita pendentes auiditate ſua Purpuræ tolluntur.

Quo capiantur tempore. Cap. XXXVIII.

Capi eas poſt Canis ortum, aut ante uernum tempus, utiliſſimum: quoniam cum ſætificauere fluxos habent ſuccos. Sed id tingentium officinæ ignorant, cum ſumma uertatur in eo. Eximitur poſtea uena quam diximus, cui addi ſalem neceſſarium, ſextarios ſermè in libras centenas. Macerari triduo, iuſtum. Quippe maior uis tanto, quanto recentior. Feruere in plumbo, ſinguliſq; aquæ amphoris centenas atque quinquagenas medicaminis libras æquari, ac modico uapore torrerì, & ideo longinquæ fornacis cuniculo. Ita deſpumatis ſubinde carnibus, quas hæſiſſe uenis neceſſe eſt, decimo ſermè die liquatis cortina, uellus elutatum mergitur in experimentum. Et donec ſpei ſatiſſiat, uritur liquor. Rubens color nigrante deterior. Quinis lana potat boris, ruruſque mergitur carminata, donec omnem ebibat ſaniem. Buccinum per ſe damniatur, quoniam fucum remittit. Pelagio admodum alligatur, nimiaq; eius nigritiæ dat auſteritatē illam nitoremq; qui queritur cocci. Ita permixtis uiribus alterum altero excitatur aut aſtringitur. Summa medicaminū in libras uellerū, Buccini CC, Pelagij C X I. Ita fit amethyſti color eximius ille. At Tyrius pelagio primum ſatiatur immaturo uiridique cotino: mox permuta-

## C. PLINII NATVRALIS

tur in buccino. Laus ei summa, color sanguinis concreti, nigricans aspectu, idemque suspectu refulgens: unde & Homero purpureus dicitur sanguis.

Romæ quando usus purpuræ. Cap. XXXIX.

Purpuræ usum Romæ semper fuisse uideo, sed Romulo in tra-bea. Nam toga prætexta & latiore clauo Tullum Hostilium è regi-bus primum usum Hetruscis deuictis satis constat. Nepos Cornelius, qui D. Augusti principatu obiit, Me, inquit, iuueni uiolacea purpura uigebat, cuius libra denarijs centum uenibat, nec multò post rubra Tarentina. Huic successit dibapha Tyria, quæ in libras denarijs mil-le non poterat emi. Hac Lentulus Spinter Aedilis curulis primus in prætexta usus improbatur: qua purpura quis non iam, inquit, tri-clinaria facit? Spinter Aedilis fuit Urbis conditæ anno septingente-simo, Cicerone C O S. Dibapha tunc dicebatur, quæ bis tinctæ esset, ueluti magnifico impendio: qualiter nunc omnes penè commodiores purpuræ tinguntur. In conchyliata ueste cætera eadem siue buccino, præterque ius temperaturæ. Aequè pro indiuiso humani potus excre-mento dimidia & medicamina adduntur. Sic gignitur laudatus ille pallor saturitate fraudata: tantòque dilucidior, quanto magis uel-lera esuriunt.

De precio earum.

Cap. XL.

Precia medicamento sunt quidem pro fertilitate litorum uilio-ra. Non tamen usquæ pelagij libras quinquagenos nummos excedere, & buccini centenos sciant qui ista mercantur immenso. Sed alia sunt, nec habent finem uitia: inuadatque ludere impendio, & lusus gemina-re miscendo iterum, & ipsa adulterare adulteria naturæ, sicut testu-dines tingere, argentum auro confundere, ut electra fiant: addere bis æra, ut Corinthia.

De tingendo amethystino.

Cap. XLI.

Non est satis abstulisse gemmæ nomen amethystum, rursum abso-lutus



lulus inebriatur Tyrio, ut sit ex utroque nomen improbum Tyriamethyustus, simulque luxuria duplex. Et cum consecere conchyliis, transire melius in Tyrium putant. Pœnitentia hoc primum debet inuenisse, artifice mutante quod damnabat, inde ratio est nata. Votum quoque factum è uitio portentosis ingenijs, & gemina demonstrata uia luxuriæ, ut color alius operiretur alio, suauior ita fieri leniorque dictus. Quin & terrena miscere, coccòque tinctum Tyrio tingere, ut fieret hyssinum. Coccum Galatiæ rubens granum, ut dicemus in terrestribus, aut circa Emeritam Lusitanie in maxima laude est. Verùm ut simul peragantur nobilia pigmenta, anniculo grano languidus succus, idem à quadrimo euanidus. Ita nec recenti uires, neque senescemi. Abundè tractata est ratio quæ se uiuorum iuxta feminarumque forma credit amplissimam fieri.

De Pinna, & Pinnothere, & aquatiliu sensu.

Cap.

XLII.

Concharum generis & Pinna est. Nascitur in limosis subreeta semper, nec unquam sine conite, quem Pinnotheren uocant, alij Pin-nophylacen, id est squilla parua. alibi cancer dapis affectator. Pandit se Pinna, luminibus orbum corpus intus minutis piscibus præbēs. Assultant illi protinus, & ubi licentia audacia creuit, implent eam. Hoc tempus speculatus index, morsu leui significat. Illa ore cōpresso quicquid inclusit exanimat, partemque socio tribuit. Quo magis miror quosdam existimasse aquatilibus nullum inesse sensum. Nouit Torpedo uim suam ipsa non torpens,mersaque in limo se occultat, pisces qui securi natantes obtorpuere, corripiens. Huius iecori teneritas nulla præfertur. Nec minor solertia ranæ, quæ in mari Piscatrix uocatur. eminentia sub oculis cornicula turbato limo exerit, assultantes pisciculos pertrahens, donec tam propè accedant, ut assiliat. Simili modo Squatina & Rhombus abditi pinnas extertas mouent specie uermiculorum: itemque quæ uocatur Raia. Nam Pastinaca latroci-

## C. PLINII NATVRALIS

natur ex occulto, transeuntes radio (quod telum est ei) figens. Argumenta solertiæ huius, quod tardissimi piscium hi, Mugilem uelocissimum omnium habentes in uentre reperiuntur.

De Scolopendris, Vulpibus, & Glanis. Cap. XLIII.

Scolopendræ terrestribus similes, quas centipedes uocant, hamo deuorato omnia interanea euomunt, donec hamum egerant, deinde resorbent. At Vulpes marinæ simili in periculo glutunt amplius usque ad infirma lincæ, quæ facili prærodant. Glanus, qui & Glanis uocatur, auersos mordet hamos: nec deuorat, sed esca spoliatur.

De Ariete pisce. Cap. XLIIII.

Grassatur Arietes ut latro. Et nunc grandium nauium in salo stantium occultatus umbra, si quem nandi uoluptas inuitet, expectat: nunc elato extra aquam capite, piscantium cymbas speculatur, occultisque adnatans mergit.

De his quæ tertiam naturam habent, non animalium neque fruticum, & de urticis, & spongijs. Cap. XLV.

Equidem & his sensum inesse arbitror, quæ nec animalium, neque fruticum, sed tertiam ex utroque naturam habent, Urticis dico, & Spongijs. Urticæ noctu uagantur, nocturnique mutantur, carnosæ frondis. Iis natura, ut carne uescantur. Vis pruritu mordax, eadè quæ terrestris urticæ. Contrahit ergo se quàm maximè rigens, ac prænatante pisciculo frondem suam spargit, completensque deuorat. Aliàs marcenti similis, & iactari se passa fluctu algæ uice, còtactos pisces attritusque, petræ scalpentes pruritum inuadit. Eadem noctu Pectines & Echinos perquirat. Dum admoeri sibi manum sentit, colorem mutat, & contrahitur. Tacta uredinem mittit, paulumque si fuerit interualli, absconditur. Ora ei in radice esse traduntur, excremèta per summa tenui fistula reddi. Spongiarum tria genera accipimus, spissum ac prædurum, & asperum, Tragos id uocatur. minus spissum & mollius, Manon. tenue densumque, ex quo penicilli, Achilleum. Nascuntur omnes

omnes in petris, aluntur conchis, pisce, limo. Intellectum inesse ijs apparet, quia ubi auulso rem sensere, contractæ multo difficilius abstrahuntur. Hoc idem fœtu pulsante faciunt. Viuere esca, manifestò conchæ minutæ in his repertæ ostendunt. Circa Toronē uesci illis auulsas etiam aiunt, & ex relictis radicibus recrescere. In petris cruoris quoque inheret color, Africis præcipuè, quæ generantur in Syrtibus. Maximæ sunt Manæ, sed molliissimæ circa Lyciam. In profundo autem nec uctoso molliores. In Helleponto asperæ, & densæ circa Maleam. Putrescunt in apricis locis, ideo optimæ in gurgitibus. Viuentibus itémque madentibus nigricans color. Adhærent nec parte, nec toto. Inter sunt autem fistule quædam inanes, quaternæ serè aut quinæ, per quas pasci existimantur. Sunt & aliæ, sed supernè concretæ. Et subesse membrana quædam radicibus earum intelligitur. Viuere constat longo tempore. Pessimum omnium genus earum est quæ Aplysie uocantur, quia elui non possunt: in quibus maxime sunt fistulæ, & reliqua densitas spissa.

## De Caniculis marinis.

## Cap. XLVI.

Canicularum maxima multitudo circa eas urinentes graui periculo infestat. Ipsi ferunt ut nubem quandam crassescere super capita, planorum piscium similem, prementem eos, arcuentemque à reciprocando, & ob id stylos præacutos lineis annexos habere sese: quia nisi perfossæ ita non recedant, caliginis & pauoris, ut arbitror, opere. Nubem enim & nebulam (cuius nomine id malum appellant) inter animalia haud ullam comperit quisquam. At cum Caniculis atrox dimicatio. Inguina & calces omnemque candorem corporum appetunt. Salus una in aduersas eundi, ultròque terrendi. Pauet enim hominem æquè ac terret, & sors æqua in gurgite. Vt ad summa aquæ uentum est, ibi periculū anceps, adempta ratione contra eundi, dum conetur emergere. Et salus omnis in socijs. Funè illi religatū ab humeris eius trahūt: bunc dimicans, ut sit periculi signum, leua quatit, dextra ap-

## C. PLINII NATVRALIS

prehensō stylo in pugna est: modicus aliàs tractus. Vt prope carinā uentū est, nisi præceleri ui repentē raptant, absūmī spectant. Ac sæpe iam subducti, è manibus auferuntur, si nou trabentiū opem, conglobato corpore in pilæ modū, ipsi adiuuere. Protendunt quidē tridentes illi, sed monstri solertia est nauigium subeundi, atque ita è tuto præliandi. Omnis ergo cura ad speculandum hoc malum insumitur.

De animalibus quæ silicea testa includuntur, & quæ sine ullo sensu, & de reliquis sordidis animalibus. Cap. XLVII.

Certissima est securitas uidisse planos pisces: quia nunquam sunt ubi maleficæ bestię: qua caussa urmantes sacros appellant eos. Silicea testa inclusis fatendum est nullum esse sensum, ut Ostreis. Multis eadem natura quæ frutici, ut Holothurijs, Pulmonibus, Stellis. Adcoque nihil nō gignitur in mari, ut cauponarum etiam æstiuā animalia, pernici molesta saltu, aut quæ capillus maximè celat, existant: & circunglobata escæ sæpe extrahuntur: quæ caussa somnum piscium in mari noctibus infestare existimatur. Quibusdam uerò ipsis innaſcuntur, quo in numero Chalcis accipitur.

De uenenatis marinis.

Cap. XLVIII.

Nec uenena cessant dira, ut in Lepore: qui in Indico mari etiam tactu pestilens, uomitum dissolutionemque stomachi protinus creat: in nostro, ossa informis, colore tantū lepori similis: in Indis & magnitudine & pilo durior. Tātum uiuus ibi capitur. Aequè pestiferū animal Araneus, spinæ in dorso aculeo noxius. Sed nullū usquā execrabilius quā Radius, super caudam eminēs Trygonis, quam nostri Paſtinacam appellant: quincunciali magnitudine arbores infixus radici necat. Arma ut telum perforat ui ferri, & ueneni malo.

De morbis piscium.

Cap. XLIX.

Morbos uniuersa genera piscium, ut cætera animalia etiam fera, non accipimus sentire. Verū ægotare singulos manifestū facit aliquorum macies, cum in eodem genere præpingues alij capiuntur.

De

De generatione eorum mira.

Cap. L.

Quonam modo generent, desiderium & admiratio hominum disferri non patitur. Pisces attritu uentrium coeunt, tanta celeritate, ut uisum fallat: Delphini & reliqua cete simili modo, & paulo diutius. Fœmina piscis coitus tempore marem sequitur, uentrem eius rostro pulsans: sub partu mares fœminam similiter, oua uescētes earum. Nec satis est generationi per se coitus, nisi editis ouis, inter se uersando mares & fœminæ, uitale asperserint uirus. Non omnibus id contingit ouis in tanta multitudine: alioquin replerentur maria & stagna, cum singuli uteri innumerabilia concipiant.

Item de generatione, &amp; qui pisces oua pariant. Cap. LI.

Piscium oua in mari crescunt, quædam summa celeritate, ut Murænarum, quædam paulo tardius. Plani pisciū quibus cauda non obest aculeique, ut Testudines & Raia, in coitu superueniunt: Polypi crine uno fœminæ naribus adnexo. Sepiæ & Loligines linguis, componentes inter se brachia, & in contrarium nantes: & pariunt ore. Sed Polypi in terram uerso capite coeunt: reliqua mollium, tergis, ut canes: Item Locustæ, & Squillæ, Cancrī, ore. Ranæ superueniunt, prioribus pedibus alas fœminæ mare apprehendente, posterioribus clunes. Pariunt minimas carnes nigras, quas gyrinos uocant, oculis tantum & cauda insignes: mox pedes figurantur, cauda findente se in posteriores. Mirumque, semestri uita resoluuntur in limum, nullo cernente, & rursus uernis aquis renascuntur quæ fuere natæ, perinde oeculta ratione, cū omnibus annis id eueniat. Et Mytuli & Pectines sponte naturæ in arenosis proueniunt. Quæ durioris testæ sunt, ut Murices, Purpuræ, saluuario lentore: sicut acescente humore Culices, atque spuma maris incalcescente, cum admissus est imber. Quæ uerò siliceo tegmine operiuntur, ut Ostrea, putrescente limo, aut spuma circa nauigia diutius stante, defixosque palos, & lignum maximè. Nuper compertum in ostræarijs humorem ijs satifi-

## C. PLINII NATVRALIS

cum lactis modo effluere. Anguillæ atterunt se scopulis: ea strigmenta uiuiscunt: nec alia est earum procreatio. Piscium diuersa genera non coeunt, præter Squatinam & Raiam, ex quibus nascitur priori parte Raiæ similis, & nomen ex utroq; compositum apud Græcos trahit. Quædam omni tempore anni gignuntur, & in humore, & in terra. Vere Pectines, Limaces, Hirudines. eodem tempore euanescent. Piscium autem Lupus & Tricbias bis anno parit, & saxatiles omnes. Mulli ter ut Chalcis, Cyprinus sexies. Scorpiones bis ac Sargi, uere & autumno. Ex planis Squatina sola bis, autumno, & Vergiliarum occasu. Plurimi piscium tribus mensibus; Aprili, Maio, Iunio: Salpæ autumno: Spari, Torpedo, Squali, circa æquinoctium. Molles, uere. Sepia omnibus mensibus. Oua eius glutino atramenti ad speciem uisæ coherencia, masculus prosequitur afflatu. aliàs sterile scunt. Polypi hyeme coeunt, pariunt uere oia tortili uibrata pampino, tanta fecunditate, ut multitudinē iouorum occisi non recipiant cano capitis, quæ prægnantes tulere. Ea excludit quinquagesimo die: è quibus multa propter numerum intercidunt. Locustæ, & reliqua tenuioris crustæ, ponunt oia supra oia, atque ita incubant. Polypus scænnina modò in ouis sedet, modò cauernam cancellato brachiorum implexu claudit. Sepia in terreno parit inter arundines, aut sicubi enata alga. excludit quinto-decimo die. Loligines in alto conferta oia edunt, ut Sepiæ. Purpuræ, Murices, eius denique generis, uere pariunt. Echini oia plenilunij habent hyeme, & Cochleæ hyberno tempore nascuntur. Torpedo octogenos fetus habet inuenitur, eaq; intra se parit oia præmolliâ, in aliud locum uteri transferens, atque ibi excludens. Simili modo omnia quæ chartilaginea appellauimus. ita fit, ut sola piscium & animal pariant, & oia concipiant. Silurus mas solus omnium edita custodit oia, sæpe & quinquagenis diebus, ne absumentur ab alijs. Cæteræ scænnine in triduo excludunt, si mas attigit. Acus siue Beloue uisus piscium debescit propter multitudinem utera parit. A partu callefcit uulnus.

quod



quod & in Cœcilij serpētibz tradūt. Mus marinus in terra scrobe effossa parit oua, & rursus obruit terra. Tricesimo die reffossa aperit, fatūque in aquam ducit.

De uuluis piscium.

Cap. LII.

Erythini & Chane uuluis habere traduntur: qui Trochos appellatur à Græcis, ipse se iuire. Aquatiliū omnium fœtus inter initia uisū carent.

De longissima uita piscium.

Cap. LIII.

Acui piscium memorandum nuper exemplum accepinus. Paustypum uilla est Campaniæ, hanc procul Neapoli, in ea in Casaris piscinis à Pollione Vedio coniectū piscem sexagesimum post annū exspirasse scribit Aineus Seneca, duobus alijs equalibus eius ex eodē genere etiā tunc uiuentibus. Quæ mentio piscinarū, admonet ut paulo plura dicamus hac de re prius quàm digrediamur ab aquatilibus.

De uiuarijs Ostrearum, & quis ea primus inuenerit.

Cap.

LIIII.

Ostrearum uiuaria primis omnium Sergius Orata inuenit in Baiano, ætate L. Crassi oratoris, ante Marsicum bellum: nec gula causa, sed auaritiæ, magna uectigalia tali ex ingenio suo percipiens, ut qui primus pensiles inuenit balineas, ita inangenuitas uillas subinde uendendo. Is primus optimū saporē Ostreis Lucrinis adiudicauit, quādo eadē aquatilia genera aliubi atque, aliubi meliora: sicut Lupi pisces in Tiberi amne inuer. duos pontes, Rhombus Rauennæ, Murenæ in Sicilia, Elops Rhodi: & alia genera similiter, ne culinariū censura peragatur. Nondū Britanica seruiebāt littora, cum Orata Lucrina nobilitabāt: postea uisum tanti in extrema Italia petere Brundisium Ostreas: ac ne lis esset inter duos sapores, nuper, excogitatū, famem longæ aduocetionis à Brundisio, cōpascere in Lucrino. Eadem ætate prior Licinius Murena, reliquorū pisciū uiuaria inuenit: cuius deinde exemplum nobilitas secuta est, Philippus, Hortensius. Lucullus ex-

C. iiii



cifo etiam monte iuxta Neapolim maiore impedio quam uillam edificauerat, curipum et maria admisit: qua de causa Magnus Pompeius Xerxem togatum cum appellabat. Quadraginta sestertijs è piscina defuncto illo uenire pisces.

Quis primus Murenarum uiuaria fecerit. Cap. LV.

Murenarum uiuarium priuatim excogitauit C. Hirius ante alios; qui cœnis triumphalibus Cæsaris dictatoris sex millia numero Murenarum mutua appendit. Nam permutare quidem precio noluit, aliâ merce. Huius uillam intra quàm modicam quadragies piscine uendiderunt. Inuasit deinde singulorū piscium amor. Apud Baulos in parte Baiana piscinam habuit Hortensius orator, in qua Murenam adeò dilexit, ut exanimatam flecte credatur. In eadem uilla, Antonia Drusi, Murenæ quam diligebat, in aures addidit, cuius propter famam nonnulli Baulos uidere concupiuerunt.

De Cochlearum uiuarijs, et quis primus instituit.

Cap.

LVI.

Cochlearum uiuaria instituit Fuluius Hirpinus in Tarquiniensi paulò ante ciuile bellum quod cum Pompeio magno gestum est, distinctis quidem generibus earum, separatim ut essent albæ, quæ in Reatino agro nasciuntur: separatim Illyricæ, quibus magnitudo præcipuas: Africanæ, quibus fecunditas: Solitanæ, quibus nobilitas. Quin et saginam earum commentatus est sapa et farre, alijsque generibus, ut Cochleæ quoque aliles ganeam implerent: cuius artis gloria in eam magnitudinem perductæ sunt, ut octoginta quadrantes caperent singularum calices. Auctor est M. Varro.

De piscibus terrenis.

Cap. LVII.

Piscium genera etiamnum à Theophrasto mira produntur: circa Babylonis rigua decedentibus fluuijs, in cauernis aquas hebetes remanere: quosdam inde exire ad pabula pinnulis gradientes crebro caudæ motu, contrâque uenanteis refugere in suas cauernas,

et in ijs obuertos stare: capita eorum esse ranæ marinæ similia, reliquas partes Gobiorū, brāchias ut ceteris piscibus. Circa Heracleā et Toronē et Lycū amnē esse mulifaria: in Ponto unū genus esse quod extremas fluminū aquas seſtetur, cauernāsque sibi faciat in terra, atque in his uiuat, etiam reciprocis amnibus siccato littore. Effodi ergo: motu demum corporum uiuere eos approbāte. Circa Heracleā eandem, eodēque Lyco amne decedente, ouis reliētis in limo generari pisces, qui ad pabula petenda palpitent exiguis branchijs, quod fieri non indigo humoris: propter quod et Anguillas diutius uiuere exemptas aquis. Oua autem in sicco maturari, ut testudinum. Eadem in Ponti regione apprehendi in glacie piscium quosdam, maximē Gobiones, non nisi patinarum calore uitalem motum fatentes. In his quidem, tamen si mirabilis, est tamen aliqua ratio. Idem tradit in Paphlagonia effodi pisces gratissimos cibis, terrenos altis scrobibus, in his locus ubi nullæ restaguent aquæ: miratūrque et ipse gigni sine coitu. Humoris quidem um aliquam inesse quam puteis arbitratur, cum nonnulli reperiantur pisces. Quicquid est, hoc certē minus admirabile talparum facit uita, subterranei animalis: nisi forte uermium terrenorum et his piscibus natura est.

## De Muribus Nili.

## Cap. LVIII.

Verū omnibus his fidem Nili inūdatio affert, omnia excedentem miracula. Quippe deturgente eo muscoli reperiuntur inchoato opere genitalis aquæ terræque, iam parte corporis uiuentes, nouissima effigie etiam uim terrena.

## De Anibia pisce, et quomodo capiat. Cap. LIX.

Nec de Anibia pisce sileri conuenit quæ plerisque; aduerto credidisse. Chelidonias insulas diximus Asia, scopulosi maris, ante Tauri promontoriū sitas: ibi si equēs hic piscis, et celeriter capitur. uno genere, paruo nauigio, et concolori ueste, eadēque hora per aliquot dies continuos piscator enauigat certo spatio, escāmque projicit.

Quicquid ex eo mutetur, suspecta fraus prædic est: cauensque quod timuit, cum id sæpe factum est, unus aliquando consuetudine inuitatus Anthias, escam appetit. Notatur hic intentione diligenti, ut author spei, conciliatorque capturæ. Neque enim est difficile, cum per aliquot dies solus accedere audeat. tandem & aliquos inuenit paulatim comitator. Postremò greges adducit innumeros, iam uetustissimis quibusque assuetis piscatorem agnoscere, & cibum è manu capere. Tum ille paulum ultra in esca iaculatus hamum, singulos inuolat uerius quàm capit, ab umbra nautis breui conatu abscedens, ita, ne ceteri sentiant, alio intus excipiente centonibus raptum, non palpitatio ulla aut sonus ceteros abigat. Conciliatorem nosse ad hoc prodest, ne capiatur. Parcit piscator fugituro in reliquum gregem. Ferunt discordem socium duci socij insidiatum pulchrè noto, cepisse, malefica uoluntate: agnitum in macello à socio cuius iniuria erat, & dati damni formula ex edicto condemnatum. Addidit Mutianus, æstimata lite decem libris. Iidem Anthiæ cum unum hamo teneri uiderint, spinis quas in dorso serratis habent, lineam secare traduntur: eo qui tenetur, extendente, ut præcidi possit. At inter Sargos, ipse qui tenetur, ad scopulos lineam terit.

## De Stellis marinis.

Cap. LX.

Præter hæc claros sapiëntia authores uideo mirari Stellã in mari. Ea figura est, parua admodum caro intus, extrà durior e callo. Huic tam igneum feruorem esse tradunt, ut omnia in mari cõtacta adurat, omnem cibum statim peragat. Quibus sit hoc cognitum experimentis, hæud faciliè dixerim. Multo mirabilius dixerim id, cuius experiendi quotidie occasio est:

## De dactylis, eorumque miraculis.

Cap. LXI.

Concharum è genere sunt Dactyli, ab humanorum unguum similitudine appellati. His natura, in tenebris, remoto lumine alio, fulgore clarescere, & quanto magis humorem habeant. Lucere in ore mædentium,

dentium, lucere in manibus, atque etiam in solo, atque ueste, decidentibus guttis: ut procul dubio pateat succi illam naturam esse, quam miremur etiam in corpore.

De inimicijs & amicitijs inter se aquatiliū. Cap. LXII.

Sunt & inimiciarum atque concordie miracula. Mugil & Lupus mutuo odio flagrant: Conger & Murena, caudas inter se prærodentes. Polypum in tantum Locusta pauet, ut si iuxta uiderit, omnino moriatur. Locustam Conger, rursus Polypum Congri lacerant. Nigidius auctor est, prærodere caudam Mugili Lupum, eosdemque statis mensibus concordēs esse. Omnes autem uiuere, quibus caudæ sic amputentur. At e contrario amicitiae exempla sunt, præter illos de quorum diximus societate: Balenæ musculus quandoque, prægravi superciliorum pondere obrutis eius oculis, infestantia magnitudinem nada prænatans demonstrat, oculorumque uice fungitur.

Hinc uolucrum naturæ dicentur.

FINIS.

# C. Plinii Secundi, natura-

LIS HISTORIAE LIBER XXXII. DE  
medicinis ex aquatilibus.

Prooemium.



Entum est ad summa naturæ exemplorūq; per rerum ordinem, & ipsum sua sponte occurrit immensum potentia occultæ documentū, ut prorsus nec aliud ultra quæri debeat, nec par aut simile possit inueniri, ipsa se uincente natura, & quidem numerosis modis. Quid enim uiolentius mari uentisue, & turbinibus ac procellis? quo maiore hominum ingenio in ulla sui parte adiuta est, quàm uelis remisque? Addatur his & reciproci æstus incenarrabilis uis, uersumq; totū mare in flumen:

De Echeneide pisce, & mirabili eius proprietate, & torpedine, & marino lepore, & mirabilia rubri maris. Cap. I.

Tamen omnia hæc, paritèrque eodem impellentia, unus ac paruus admodum pisciculus Echencis appellatus in se tenet. Ruant uenti licet, & sæuiāt procellæ, imperat furori, uirēsque tantas compefcit, & cogit stare nauigia: quod non uincula ulla, non anchoræ pondere irreuocabili iactæ. Infrenat impetus, & domat mundi rabiem nullo suo labore, non retinendo, aut alio modo, quàm adhærendo. Hæc tantilla est satis contra tot impetus, ut uetet ire nauigia. Sed armatæ classes imponunt sibi turrium propugnacula, ut in mari quoque pugnetur uelut è muris. Heu uanitas humana, cū rostra illa ære ferroque; ad ictus armata, semipedalis inhibere possit ac tenere deuincta pisciculus. Fertur Aëtiaeo Marte tenuisse prætoriam nauim Antonij, prope-rantis circumire & exhortari suos, donec transfret in aliam: ideoque; Cæsariana classis impetu maiore protinus uenit. Tenuit & nostra memoria Caij principis ab Astura Antium remigantis, ut res est etiā auspicalis

auspicalis pisciculus. Siquidem nouissimè tum in urbem reuersus imperator, suis telis cõfossus est. Nec longa fuit illius moræ admiratio, statim caussa intellecta, cum è tota classe quinquere mis sola non proficeret, exilientibus protinus qui id quærerent. circa nauim inuenere adhaerentem gubernaculo, ostenderuntque Caio, indignati hoc fuisse, quod se reuocaret, quadringentorumq; remigum obsequio cõtra se intercederet. Constabat peculiariter miratum, quomodo adhaerens tenuisset, nec idem polleteret in nauigium receptus. Qui tunc posteaq; uidere, cum limaci magnæ similem esse dicunt. Nos plurimorum opiniones posuimus in natura aquatilium, cum de eo dicemus. Nec dubitamus idem ualere omnia genera, cum celebri & consecrato etiam exemplo apud Gnidiam Venerem conchas quoque eiusdem potentiæ credi necesse sit. E nostris quidam latinis remoram appellauere eum. Mirumq;, è Græcis alij lubricos partus atq; procidentes contineri ad maturitatem alligato eo (ut diximus) prodiderunt: alij sale adseruaturn adalligatumq; grauidis, partus soluere, ob id alio nomine odinolyontè appellauere. Quocunq; modo ista se habeant, quis ab hoc tenendi nauigia exemplo, de ulla potentia naturæ atque effectu in remedijs sponte nascentium rerum dubitare debeat? Quin & sine hoc exemplo per se satis esset ex eodem mari torpedo: etiam procul & longinquo, uel si basta uirgæue attingatur, quanuis præualidos lacertos torpescere, quamlibet ad cursum ueloces alligari pedes. Quod si necesse habemus fateri hoc exemplo esse uim aliquam quæ odore tantum & quadam aura sui corporis afficiat membra, quid non de remediorum omnium momentis sperandum est? Non sunt minus mira quæ de lepore marino traduntur. Venenum est alijs in potu aut in cibo datus, alijs etiam uisus. Siquidem grauidæ si omnino aspexerint facinorâ ex eo genere duntaxat, statim nausea & redundatione stomachi uitium fatentur, ac deinde abortum faciunt. Remedio est mas, ob id induratus sale, ut in brachia-

## C. PLINII NATVRALIS

libus habent. Eadem res in mari & tactu quidem nocet. Vescitur eo unum tantum animalium, ut non intereat, Mullus piscis, & tenere scit tantum, & ingrator uiliorq; sit. Homines quibus in pastu est, piscem olent. hoc primo argumento ueneficium id deprehenditur. Ceterò moriuntur totidem diebus, quot uixerit lepus. Incertiq; temporis ueneficium id esse, author est Licinius Macer. In India affirmant non capi uiuentem, inuicemque ibi hominem pro ueneno esse, ac uel digito omnino in mari tactum mori. Esse autem ampliorem multo, sicut reliqua animalia. Iuba in his uoluminibus quæ scripsit ad C. Cæsarem Augusti filium de Arabia, tradit uitulos marinos ternas beminas capere: Cetos sexcentorum pedum longitudinis, & trecentorum sexaginta latitudinis in flumen Arabiæ intrasse, pinguiq; eius negociatores, & omnium piscium adipe camelos perungi in eo situ, ut asilos ab his fugent odore.

De ingenijs & mansuetudine quorundam piscium, & ubi ex manu edant, & ubi responsa dantur ex piscibus.

### Cap. II.

Mihi uidentur mira & quæ Ouidius prodidit pisciū ingenia in eo uolumine quod balieuticon inscribitur. Scarum inclusum nassus nō fronte erumpere, nec infestis uiminibus caput inserere, sed auersum caudæ ictibus crebris laxare fores, atq; retrorsum ita erūpere. Quē luctatū eius si forte alius scarus extrinsecus uideat, apprehēsa mordicus cauda adiungere nixus erumpētis. Lupum piscem rete circumdatum, arenas arare cauda, atq; ita conditum transire rete. Murenā maculas appetere ipsas, consciam teretis ac lubrici tergi, tum multiplici flexu laxare, donec euadat. Polypū hamos appetere, brachijsq; completi nō morsu, nec prius dimittere, q̄ escam circumroserit, aut arundine leuatum extra aquam. Scit & mugil esse in esca banum, insidiāq; non ignorat: auuiditas tamen tanta est, ut cauda uerberando excutiat cibos. Minus in prouidendo lupus solertiæ habet, sed magnū  
robur



robur in pœnitendo. Nam ut hæserit in bamo, tumultuoso discursu laxat uulnera, donec excidunt insidiæ. Murenæ amplius deuorant bantum, admouéntque dentibus lineas, atque ita erodunt. Pytheas id tradit. Idem infixam bamo inuertere se, quoniam sit dorso cultellato, spinæque lineam præsecare. Licinius Macer murenas tantum feminini sexus esse tradit, & cōcipere è serpentibus, ut diximus: ob id sibilò à piscatoribus tanquam serpentibus euocari, & capi. pinguescere iactatu, fuste non interim, easdem ferula protinus. Animam in cauda habere certum est, eaque iēta celerrime exanimari, at capitis iētu difficulter. Nouacula pisce quæ tacta sunt, ferrum olent. Durissimum esse piscium constat qui Orchis uccetur. rotundus est, & sine squamis, totusque capite constat. Miluago quotiens cernatur extra aquam uolitans, tempestates mutari, Trebius Niger auctor est. Xipham, id est gladiū, rostro mucronato esse. ab hoc naues per fossas mergi in oceano ad locum Mauritanie qui Cotta uocetur, non procul à Lixo flumine. Idem loligines euolare aqua tradit, tanta multitudine, ut nauigia demergāt. E manu uescuntur pisces in pluribus quidem Cæsaris uillis: sed quæ ueteres prodidere in stagnis, nos in piscinis admirati, in Eboro Sicilie castello, non procul Syracusis. Item in Eabradij Iouis fonte anguillas: & hæc in aures additas gerūt. Similiter in Chio iuxta Senum delubrum. In Mesopotamie quoque fonte Cabura, de quo diximus. Nam in Lycie Lynyra fonte Apolliniis, quem Dinum appellant, ter fistula euocati ueniunt ad augurium. Diripere eos carnes obiectas, lætū est consultantibus: caudis abigere, dirū. Hierapoli Syriæ in lacu Veneris ædituorum uocibus parent uocati, exornati auro ueniunt, adulantes scalpuntur, ora hiantia manibus inferendis præbēt. In Stabiano Campanie ad Herculis petrā, Melanuri in mari panem abiectū rapiunt: ijdēmq; ad nullum cibum in quo bamus sit, accedunt. Nec illa in nouissimis mira, amarissimos esse pisces ad Pelen insulā, & ad Clazomenas. Cōtrā ad scopulum Sicilie

ac Leptin Africæ, & Eubæam & Dyrrhachium. Rursus ita salsos, ut possint salsamēta existimari, circa Cephaleniam & Ampelon & Paron, & Deli petras. In portu eiusdem insulæ, dulces. Quā differentiā pabulo constare nō est dubium. Appion maximū piscium esse tradit Porcum, quem Lacedæmonij orbragoriscum uocant. Grunire eum cum capitur. Esse uerd illam naturæ accedētiā, quod magis miremur, etiā in locis quibusdam, apposito occurrit exemplo. Si quidem salsamenta omnium generum in Italia Beneuenti recētia effici constat. Pisces marinos in usu fuisse protinus à cōdita Roma, anthor est Cassius Hemina, cuius uerba de ea re hic subiiciam: Numa constituit, ut pisces qui squamosi non essent, ni polluerent patrimonias: cōmentus ut conuiuia publica & priuata, cœnæq; ad puluimaria, facilius cōpararentur, ni qui ad polluctum emerent, pretio minus parcerent, eaq; præmercerentur. Quantū apud nos Indiciis margaritis pretium est (de quibus suo loco satis diximus) tantum apud Indos in Corallio. Nam ista persuatione gentiū constāt. Gignitur quidē & in Rubro mari, sed nigrius. Itē in Persico, quod uocatur Iace. Laudatissimū in Gallico sinu circa Orcadas insulas, & in Siculo circa Heliā & Drepanū. Nascitur & apud Graniscas, & ante Neapolim Campaniæ, maximēq; rubens: sed molle, & ideo uilissimū, Erythris. Forma est ei fruticis, color uiridis. Baccæ eius candidæ sub aqua, ac molles: exemptæ cōfestim durantur & rubescūt, quasi corna satiuæ specie atque magnitudine. Aiunt tactu protinus lapidescere, si uiuat. Itaq; occupari, cuelliq; retibus, aut acri ferramento præcidi. Hac de caussa corallium uocitatum quasi cirallium interpretantur. Probatissimum quā maxime rubens, & quā ramosissimum, nec scabrosum, aut lapideum, uel rursus inane, aut concanum. Authoritas baccarum eius non minus Indorum uiris quoque pretiosa est, quā feminis nostris uniones Indici. Aruspices eorum uatēsque in primis religiosum id gestamen amolendis periculis arbitrantur. Itaque & decore

decore & religione gaudent. Priusquam hoc notesceres, Galli gladios, scuta, galeas adornabant eo. Nunc tanta penuria est uendibili merce, ut perquam raro cernatur in suo orbe. Surculi infantiae adaligati, tutelam habere creduntur: contrâque torminum ac uesticæ & calculorû mala in puluerem igne redacti, potiùs cum aqua, auxiliantur. Simili modo ex uino poti, aut si febris sit, ex aqua somnium afferunt. Ignibus diu repugnant. Sed eodẽ medicamine sæpius potio tradunt lienem quoque absunni. Sanguinem reiicientibus excreantibusue medentur. Cuius eorum miscetur oculorû medicamentis. Spissat enim ac refrigerat. Vlcera caua explet. Cicatrices extenuat. Quod ad repugnantiam rerum attinet, quam Græci antipathian uocant, nihil est ueneniatus usquã quàm in mari pastinaca, utpote quum radio eius arbores necari dixerimus. Hanc tamen persequitur galeos. Idem & alios quidem pisces, sed pastinacas præcipuè, sicut in terra serpentes mustela. Tanta est auuiditas ipsius ueneni. Percussis uerò ab ea medetur & hic quidem, sed & mullus, ac laser.

De ijs quibus in terris & in aquis uictus est, & de castoreis medicinae & obseruationes. Cap. III.

Spectabilis naturæ potētia in his quoq;, quibus & in terris & in aqua uictus est, sicut & fibris, quos castores uocant, & castorea testes eorum. Amputari hos ab ipsis cum capiuntur negat Sestius diligentissimus medicinae: quinimmo paruos esse, substrictosque, & adhaerentes spinæ, nec adimi sine uita animalis posse. Adulterari autem renibus eiusdem qui sunt grædes, cum ueri testes parui admodum reperiuntur. Præterea ne uesticas quidem esse, cum sint geminae, quod nulli animalium. In ijs folliculis inueniri liquorem, & asseruari sale. Itaq; inter probationes falsi esse folliculos geminos ex uno nexu dependentes: quod ipsum corrumpi fraude, coniicientibus gummi, cum sale ammoniaco: quoniam ammoniaci coloris esse debeant, tunicis circumdati liquore ueluti mellis cerofi, odoris grauis, gustu amaro

et acri, friabiles. Efficacissimi è ponto Galatiæ, mox Africa. Sternutamenta olfactu mouent. Somnum conciliant cum rosacco et peucedano peruncto capite, et per se poti in aqua: ob id phreneticis utiles. Item leibargicos odoris suffitu excitant. Vuluarumque exanimationes uel subditi, et menses ac secundas ciunt, duabus drachmis ex aqua cum pulegio poti. Medentur et uertigini, opisthotonis, tremulis, spasticis, neruorum uitijis, ischiadicis, stomachicis, paralyticis, perunctis omnibus, uel triti ad crassitudinem mellis cum semine uiti-cis ex aceto aut rosaceo. Sic et contra comitiales sumpti: poti uerò contra inflationes, tormina, uenena. Differentia tantum contra genera est mixtura. Quippe aduersus scorpiones, ex uino bibuntur: aduersus pbalangia et araneos, ex mulso, ita ut uomitione reddantur: aut ut retineantur, cum ruta. Aduersus chalcidas, cum myrrite. Aduersus cerasen et presteras, cum panace, aut ruta ex uino. Aduersus cæteros serpentes, cum uino. Dari binas drachmas satis est, eorum quæ adijciuntur, singulas. Auxiliantur priuatim contra uiscum ex aceto. Aduersus aconitum ex lacte, aut aqua. Aduersus elleborum album ex aqua mulsa nitroque. Medentur et dentibus, infusi cum oleo triti in aurem à cuius parte doleant. Aurium doloribus melius si cum meconio. Claritatem uisus faciunt cum melle attico inuncti. Cohibent singultus ex aceto. Vrina quoque fibri resistit uenenis, et ob id in antidota additur. Adseruatur autem optimè in sua uestigia, ut aliqui existimant.

De testudine, et multorum piscium medicinæ, et obseruationes.

Cap. IIII.

Geminus similiter uictus in aquis terræque et testudinum, effectus quoque pari honore habendi, uel propter excellens in usu pretium, naturæque proprietatem. Sunt ergo testudinum genera, terrestres, marinæ, lutariæ, et quæ in dulci aqua uiuunt. Has quidam è Græcis Emydas appellant. Terrestrium carnes suffusionibus propriè,

prie, magicisque artibus refutandis, & contra uenena salutare pro-  
duntur. Plurimæ in Aprica. Hæ ibi amputato capite pedibusque,  
pro antidoto dari dicuntur: & ex iure in cibo sumptæ, strumas dis-  
cutere, ac lienes tollere: item comitiales morbos. Sanguis earum cla-  
ritatem uisus facit, suffusionisque oculorum tollit. Et contra serpen-  
tium omnium & arancorum & similium, & ranarum uenena au-  
xiliatur, seruat sanguine in farina pilulis factis, & cum opus sit, in  
uino datis. Felle testudinum cum Attico melle glaucomata inungi pro-  
dest, & scorpionum plagis instillari. Tegumenti cinis uino & oleo  
subactus, pedum rimas ulceraque sanat. Squamæ è summa parte de-  
rasæ, & in potu datæ, Venereæ cohibent. Eo magis hoc mirum, quo-  
niam totius tegumenti farina accendere traditur libidinem. Uri-  
nam earum aliter quàm in nescia dissectarum, inueniri posse nõ ar-  
bitror, & intra eam esse. Hæc quoque portentosa à Magis demon-  
stratur, aduersus aspidum ictus singulare remedium. Efficacior est  
tamen, ut aiunt, cinnibus admixtis. Oua durata illuminant strumis,  
& ulceribus frigore aut adustione factis. Sorbentur in stomachi do-  
loribus. Marinarum carnes admixtæ ranarum carnibus, contra sa-  
lamandras præclare auxiliantur. Neque est testudine aliud salamã-  
dræ aduersus. Sanguine alopeciarum inanitas & porrigo, omniæque  
capitis ulcera curantur. Inarescere autem eum oportet, lentèq; ablui.  
Instillatur & dolori aurium cum lacte mulierum. Aduersus comi-  
tiales morbos manditur cum polline frumenti. Miscetur autem san-  
guis heminis tribus aceti, hemina umi addita his, & cum bordea-  
cea farina, aceto quoque admixto, ut sit quod deuoretur fabæ ma-  
gnitudine. Hæc singula & matutina & uespertina dantur, dein  
post aliquot dies uesperta. Comitibus instillatur ore diducto,  
his qui modice corripiantur. Spasmo cum castoreo clystere infun-  
ditur. Quod si dentes per annum colluuntur testudinum sanguine,  
immunes à dolore fiunt. Et anbelitus discutit, quasque orthopnæas

uocant, ad has in polenta datur. Fel testudinum claritatem oculorum facit, cicatrices extenuat, tonsillas sedat & anginas, & omnia oris uitia. Priuatim nomas ibi, item ardentium testium. Naribus illitum comitiales erigit, attollitq;. Idem cum uernatione anguium aceto admixto, unice purulentis auribus prodest. Quidam bubulum fel admiscunt, decoctarumq; carniū testudinis succum, addita æquē uernatione anguium. Sed diu in uino testudinem excoquunt. Oculorum quoq; uitia omnia fel inunctum cum melle emendat. Suffusiones etiā marinæ fel cum fluuiatilis sanguine, & lacte mulierum. Capillus inficitur felle. Contra salamandras uel succum decoctum bibisse, satis est. Testudinum est tertium genus in cæno & paludibus uiuentium. Latitudo his in dorso pectori similis, nec conuexo, incurua calyce, ingrata uisu. Ex hac quoque aliqua contingunt auxilia. Tres namque in succensa sarmenta coniectæ, diuidentibus se tegumentis rapiuntur, tum euulsæ carnes earum coquuntur in aquæ congio sale modicè addito. ita decoctarum ad tertias partes succus, paralyzin & articularios morbos sentientibus bibitur. Detrahit item fel pituitas, sanguinēque uitiatum. Sislitur ab eo remedio aluus aquæ frigidae potu. Ex quarto genere testudinum, quæ sunt in amibibus, diuulsarum pingui cum aizoo herba insō, admixto unguento & semine lilij, ante accessiones si perungantur ægri, præter caput, mox conuoluti calidam aquam bibant, quartanis liberari dicuntur. Hanc testudinem quintadecima luna capi oportere, ut plus pinguium reperiatur. Verum ægrum sextadecima luna perungi tradunt. Ex eodem genere testudinum sanguis instillatus crebros capitis dolores sedat: item strumas. Sunt qui testudinum sanguinem cultro æreo supinarum capitibus præcis, excipi nouo fictili iubeant. Ignem sacrum cuiuscunque generis, sanguine illini. Item capitis ulcera manantia, & uerrucas. Idem promittunt testudinum omnium fimo panos discuti. Et licet incredibile dictu sit, aliqui tradunt tardius



tardius ire nauigia testudinis pedem dextrum uehentia. Hinc deinde in morbos digeremus aquatilia, non quia ignoremus gratiorem esse uniuersitatem animalium, maiorisq; miraculi: sed hoc utilius est, uitæ contributa habere remedia, cum aliud alij prosit, aliud alibi facilius inueniatur.

De aquatilibus quomodo remedia in morbos digesta sunt. Et primū contra uenena, & uenenata animalia. Cap. V.

Venenatum mel diximus ubi nasceretur. Auxilio est piscis Aurata in cibo. Vel si ex melle syncero fastidium, cruditasue, quæ sit grauissima, incidat: testudinem circuncisis pedibus, capite, cauda, decoctam, antidotum esse, author est Pelops, scinculumque Apelles. Qui esset scincus, diximus: sæpius uerò quantum ueneficium menstruis mulierum. Contra omnia ea auxiliatur, ut diximus, nullus: item contra pastinacam, & scorpiones terrestres marinósque, & dracones, & pbalangia, illitus, sumptusue in cibo. Eiusdem recentis è capite cinis, contra omnia uenena, priuatim contra fungos. Mala medicamenta inferri negant posse, aut certè nocere, stella marina uulpino sanguine illita & affixa limini superiori, aut clauo aereo ianue. Draconis marini, scorpionumque ictus, carnibus eorum impositis. Item araneorum morsus sanantur. In summa, contra omnia uenena uel potu, uel ictu, uel morfu noxia, succus eorum ex iure decoctorum, efficacissimus habetur. Sunt & seruatis piscibus medicinae. Salsamentorum cibus prodest à serpente percussis, & contra bestiarum ictus, mero subinde hausto, ita ut ad uesperam cibus uomitione reddatur. Peculiariter à chalcide, ceraсте, aut quas sepas uocant, aut elape, dipsadæue percussis. Contra scorpiones largius sumi, sed non euomi salsamenta prodest, ita ut sitis toleretur: & imponere eadem plagis conuenit. Contra crocodilorum quidem morsus non aliud præsentius habetur. Priuatim contra presteris morsum sarda prodest. Imponuntur salsamenta & contra canis rabiosi: uel si non sunt



ferro uſtæ plagæ,corporâq; clyſteribus exinanita, hoc per ſe ſufficit. Et contra draconem marinũ ex aceto imponuntur. Idem & cybio profectus. Draco enim marinus ad ſpinæ ſuæ (qua ferit) uenenũ, ipſe impoſitus, uel cerebro toto, prodeſt. Ranarũ marinarum ex uino & aceto decoctarum ſuccus contra uenena bibitur, & contra ranæ rubetæ uenenũ, & contra Salamandras. Fluuiatiles, ſi carnes edantur, iſiue decoctarũ ſorbeatur, proſunt & contra leporem marinũ, & contra ſerpentes ſupradictas. Contra ſcorpiones ex uino. Democritus quidem tradit, ſi quis extrabat ranæ uiuẽti linguam, nulla alia corporis parte adhærẽte, ipſâq; dimiſſa in aqua, imponat ſupra cordis palpitationem mulieri dormienti, quæcunq; interrogauerit, uera reſpoſuram. Addunt etiamnum alia magi, quæ ſi uera ſunt, multo utiliores uitæ exiſtimantur ranæ, quàm leges. Nanque arundine tranſfixa natura per os, ſi ſurculus in menſtruis deſigatur à marito, adulterorum tædium fieri. Carnibus earum uel hamo additis, præcipuè purpuras certum allici. Iecur ranæ geminum eſſe dicunt, obijciq; formicis oportere. eam partem quam appetant, contra omnia uenena eſſe pro antidoto. Sunt quæ in uepribus tantum uiuunt, ob id rubetarum nomine, ut diximus, quas Græci phrynos uocant, grãdiſſimæ cunctarum, geminis ueluti cornibus, plenæ ueneficiorũ. Mira de his certatim tradunt authores. Illatis in populum, ſilentium fieri. Oſſiculo quod ſit in dextro latere, in aquam feruentem deiecto, refrigerari uas, nec poſtea feruere, niſi exempto. id inueniri obiecta rana formicis, carnibũſque eroſis, ſingula in ſolium addi. Et aliud eſſe in ſiniſtro latere, quo deiecto feruere uideatur, apocynon uocari. Canum impetus eo cohiberi, amorem concitari, & iurgia addito in potionem. Venerem adalligatum ſtimulare. Rurſus à dextro latere. refrigerari feruentia. Hoc & quartanas ſanari adalligato in pellicula agnina recenti, aliâſque febres. Amorem inhiberi eo. Item ex his ranis lien contra omnia uenena quæ fiunt ex ipsis, auxiliatur.

Cor uerò

Cor uerò etiam efficacius est. Coluber est in aqua uiuens, huius adipe & fel habentes qui crocodilos uenētur, mirè adiuuari produntur, nihil contrà belua audente. Efficacius etiamnum, si herba potamogeton misceatur. Cancris fluuiatiles triti potiq; ex aqua recentes, seu cinere adseruato, contra uenena omnia prosunt, priuatim contra scorpionum ictus cum lacte asinino: uel si non adsit, caprino, uel alio quocunque. Addi & uinum oportet. Necant eos triti cum ocino admoti. Eadem uis contra uenenatorum omniū morsus, priuatim scytalen, & angues, & contra leporem marinū, ac ranam rubetam. Cinis eorum seruatus prodest pauore potus periclitantibus ex canis rabiosi moribus. Quidam adiiciūt gentianam, & dant in uino. Nam si iam pavor occupauerit, pastillos uino subactos deuorādos ita præcipiunt. Decem uerò cancris cum ocimi manipulo adalligatis, omnes qui ibi sunt scorpiones, ad eum locum coituros magi dicunt: & cum ocimo ipsos, cinerēque eorum percussis imponunt. Minus in omnibus his marini prosunt, ut Thrasillus auctor est. Nihil autē æquè aduersari serpentibus q̃ canculos, suēsque percussis hoc pabulo sibi mederi. Cum sol sit in cancro, torqueri serpentes. Ictibus scorpionum carnes fluuiatilium cochlearum resiliūt crudæ uel coctæ. Quidam ob id sal-sas quoque adseruant: imponunt & ipsis plagis. Coracini pisces Nilo quidem peculiare sunt: sed nos hæc omnibus terris demonstramus. Carnes eorum aduersus scorpiones ualent impositæ. Inter uenena sunt piscium porci marini spinæ in dorso. cruciatu magno læsorum remedium est limus ex reliquo piscium eorum corpore. Canis rabidi morsu potum expauescentibus faciem perungunt adipe uituli marini. Efficacius, si medulla hyæne & oleum è lentisco & cera misceatur. Murenæ morsus ipsarum capitis cinere sanantur. Et pastinaca contra suum ictum remedio est, cinere suo ex aceto illito, uel alterius. Cibi caussa extrahi debet è dorso eius quicquid simile est croco, caputque totum. Et hanc autem & omnia testacea modicè

## C. PLINII NATVRALIS

collui in cibis, quia saporis gratia perit. Leporis marini ueneficium reslinguunt poti hippocampi. Contra dorycnii ecbinii maximè pro-  
sunt: & ijs qui succum carpathi biberint, præcipuè eius iure sumpto.  
Et cancri marini decocti ius contra dorycnium efficax habetur.

De ostreis, & purpuris, & alga, & eorum remedia.

Cap.

VI.

Peculiariter uerò cōtra leporis marini uenena & ostrea aduer-  
santur. Idem uidetur, nec potest uideri satis dictum esse de his, cum  
palma mensarum diu iam tribuatur illis. Gaudent dulcibus aquis, &  
ubi plurimi influūt amnes. ideo pelagia parua & rara sunt. Gignū-  
tur autem in petrosis, carentibusq; aquarum dulcium aduentu, sicut  
circa Grynium & Myrinam. Grandescunt syderis quidem ratione  
maximè, ut in natura aquatiliū diximus, sed priuatim circa initia  
æstatis, multo lacte prægnātia, atq; ubi sol penetret in uada. Hæc ui-  
detur causa quare minora in alijs locis reperiantur. Opacitas enim  
prohibet incrementū, & tristitia minus appetunt cibos. Variāt colo-  
ribus. Rufa in Hispania, fusca in Illyrico, nigra & carne & testa  
Circeiis. Præcipua uerò habetur in quacūq; gente spissa, nec salua  
sua lubrica, crassitudine potius spectanda, q̃ latitudine: neq; in luto  
capta, neq; in arenosis, sed solido uado, spondylo breui, atq; non car-  
noso, nec fibris laciniōso, ac tota in aluo. Addunt peritiores notā, am-  
biente purpureo crine fibras, eoque argumento generosa interpre-  
tantur calliblephara appellantes. Gaudent & peregrinatione, trās-  
ferriq; in ignotas aquas. Sic Brundusina in Auerno cōpasta, & suum  
reimere succum, & à Lucrino adoptare creduntur. Hæc sint dicta  
de corpore. Dicemus & de nationibus, ne fraudentur gloria sua lit-  
tora, sed dicemus aliena lingua, quæq; peritissima huius cēsura in no-  
stro æuo fuit. Sunt ergo Mutiani uerba quæ subiiciā: Cyzicena ma-  
iora Lucrinis, dulciora Britannicis, suauiora Edulis, acriora Lepti-  
cis, pleniora Lucensibus, sicciora Coryphantenis, teneriora Istricis,  
candidiora

candidiora Circeiensibus. sed his neq; dulciora neque teneriora esse ulla compertum est. In Indico mari Alexandri rerum authores pedalia inueniri prodidere. Necnon inter nos nepotis cuiusdam nomenclator tridacna appellauit, tantæ amplitudinis intelligi cupiens, ut ter mordēda essent. Eorum dos in medicina hoc in loco tota dicitur. Stomachum unicè reficiunt, fastidijs medentur. Addiditque luxuria frigus obrutis niue, summa montium, & maris ima miscens. Mollunt alium leniter. Eadem cocta cum mulso, tenasmo qui sine exulceratione sit, liberant. Vesicarum ulcera quoque repurgant. In conchis suis cocta, siue uti clausa uenerint, mirè destillationibus prosunt. Teste ostreorum cinis uuam sedat, & tonsillas admixto melle. Eodem modo parotidas, panos, mammariūque duritias, capiti ulcera ex aqua: cutēque mulierum extendit. Inspergitur & ambustis. Et dentifricio placet. Pruritibus quoque & eruptionibus pituitæ ex aceto medetur. Crudæ si tundantur, strumas sanant, & permiones pedum. Purpuræ quoque contra uenena prosunt. Et algam maris iberiacen esse Nicander tradit. Plura eius genera uti diximus, longo folio & rubente, latiore alia, & crispo. Laudatissima, quæ in Creta insula iuxta terram in petris nascitur: tingendis etiam lanis ita colorem alligans, ut elui postea non possit. E uino iubet eam dari.

Ad alopecias, & capillos, & ad oculorum & aurium & dentium & faciei uitia.

Cap. VII.

Alopecias replet hippocampinus cinis nitro & adipe suillo mixtus, aut syncerus ex aceto. Præparata autem sepiarum crustæ farina cutem replet, & muris marini cinis cum oleo. Item echini cum carnibus suis cremati cinis. Fel scorpionis marini. Ranarum quoque trium (si uiuæ in oleo cōcrementur) cinis cum melle: melius cū pice liquida. Capillum denigrant sanguisugæ, quæ in nigro uino diebus xl. computruere. Alij in aceti sextarijs duobus sanguisugarum sextariū in uase plumbeo iubent putrescere totidem diebus, mox illini in sole.

Sornatius tantam uim habere tradit, ut nisi oleum ore contineat qui tingunt, dentes quoque eorum denigrari dicat. Capitis ulceribus, muricum uel purpurarum testæ cinis cum melle uiliter illinitur, conchyliorum (uel si non urantur) farina ex aqua, doloribus: castoreum cū peucedano & rosaceo. Onnium piscium fluuiatilium marinorumq; adeps liquefactus oleo admixto melle, oculorum claritati plurimum confert. Item castoreum cum melle. Callionymi fel cicatrices sanat, & carnes oculorum superuacuas consumit. Nulli hoc piscium copiosius, ut existimauit Menander quoque in Comædijs. Idem piscis & uranoscopus uocatur, ab oculo quem in capite habet. Et coracini fel excitat usum. Et marini scorpionis ruffi cum oleo uetere, aut melle Attico incipientes suffusiones discutit. inungi ter oportet intermissis diebus. Eadem ratio albugines oculorum tollit. Mullorum cibo aciem oculorum hebetari tradunt. Lepus marinus, ipse quidem uenenatus est, sed cinis eius in palpebris pilos inutiles euulsos cohibet. Et ad hūc usum utilissimi minimi. Item pectunculi falsi triti cum cedria. Ranae quas dryophytas & calamitas uocant, sanguis earum cum lachryma uitis, si euulso pilo palpebris illinatur. Oculorum tumorem ruboremque sepiæ cortex cum lacte mulieris illitus sedat, & per se scabrias emendat. Inuertunt itaque genas id agentes, & medicamentum auferunt post paulum, rosaceoque inungunt, & pane imposito mitigant nocte. Eadem cortice & nyctalopes curantur in farina trita, & ex aceto illita. Extrahit & squamas cinis eius. Cicatrices oculorū cum melle sanat, pterygia cū sale & cadmia singulis drachmis. Emendat & albugines oculorum iumentorum. Adijciunt & officulis eius genas (si terantur) sanari. Echini ex aceto epinytididas sanat. Eundē comburi cum uiperinis pellibus ranisque, & cinerem aspergi potioni iubent magi, claritatē uisus promittentes. Ichthyocolla appellatur piscis cui glutinosum est corium, idēq; nomē glutino eius. Hic epinytididas tollit. Quidā ex uētre non ex corio fieri dicūt ichthyocollam,

collā, ut glutinū taurinū. Laudatur pontica canticās, & carēs uenis squamisq;, & quæ celerrime liquefcit. Madefcere autē debet concifa in aqua, aut aceto nocte ac die: mox tundi marinis lapidibus, ut facilius liquefcant. Vtilem eam in capitis doloribus affirmant, & tetanotbris. Ranae dexter oculus dextro, sinistro leuius fuffenfi è collo natiui coloris pāno lippitudines sanāt. Quod fi per coitū ranae eruantur, albuginem quoq;. Alligati fimiliter in putamine oui. Reliquæ carnes impofitæ fugillationem rapiunt. Canceri etiam oculos adalligatos collo, mederi lippitudini dicunt. Eft parua rana in arundinetis & herbis maxime uiuens, muta ac fine uoce, uiridis, fi forte bauriatur, uentres bouum diftendens: huius corporis humorem penicillis derafum claritatem oculis inunctis narrant afferre: ipſasq; carnes doloribus oculorum ſuperponunt. Ranas etiam quindecim coniectas in fiſtili nouo iuncis configunt quidam. ſuccum earum qui ita effluxerit, admifcēt lachrymæ quæ ex alba uite emanat, atq; ita palpebras emēdant, inutilibus pilis exemptis, acu inſtillantes hūc ſuccum in ueſtigia euulſorum. Meges pſilothrū palpebrarū faciebat, in aceto enecās putrefcentes, & hoc utebatur in multis uarijsq; per aquationes autūni naſcentibus. Idē præſtare ſanguisugarum cinis ex aceto illitus putatur. Cōburi eas oportet in nouo uafe. Idē tæniæ iccur ſiccatum pondere. X.iiij. cum oleo cedrino percunctis pilis. ix. menſibus.

De aurii & dentiū remedijs, & ad cutis uitia. Cap. VIII.

Auribus utiliſſimum bati piſcis fel recens, ſed inueteratum uino. Item banchi, quem quidam nyxona uocant, Item callionymi cum roſaceo inſuſum, uel caſtoreum cum papaueris ſucco. Vocant & in mari pediculos, eōsq; tritos inſtillari ex aceto auribus iubent. Et per ſconchylio inſecta lana magnopere prodeſt. Quidam aceto & nitro madefaciunt. Sūntq; qui præcipuē contra omnia aurium uitia laudēt gari excellentis ſociorum cyathū, mellis dimidio amplius, aceti cyathum in calice nouo lenta pruna decoquere. Deinde ſpuma pennis



deterſa, & poſtquam deſierit ſpumare, tepidum inſundere. Si tumeant aures, coriandri ſucco prius mitigandas iſdem præcipiunt. Ranarum adeps inſtillatus ſtatim dolores tollit. Cancrorum fluuiatilium ſuccus cum farina hordeacea aurium mulieribus efficaciffimè prodeſt. Parotides muricum teſtæ cinere cum melle, uel conchyliorū ex mulſo curantur. Dentium dolores ſedantur oſibus draconis marini ſcarificatis gingiuis. Cerebro caniculæ in oleo decocto adſeruatōque, ut ex eo dentes ſemel anno colluantur. Paſtinacæ quoque radio ſcarificare gingiuas & in dolore utiliſſimum. Conteri:ur iſ, & cum elleboro albo illitus, dentes ſine uexatione extrahit. Salsamentorum etiam in fictili uafe combuſtorū cinis, addita farina marmoris, inter remedia eſt. Et cybia uetera eluta in nouo uafe, deinde trita proſunt doloribus. Aequè prodeſſe dicuntur omnium ſalsamentorum ſpinæ combuſtæ tritæq; & illitæ. Decoquuntur & ranæ ſingulæ in aceti heminis, ut dentes ita colluantur, contineatūrque in ore ſuccus. Si faſtidium obſtaret, ſuſpēdebat pedibus poſterioribus eas Salluſtius Dionyſius, ut ex ore uirus deſlueret in acetū ſeruēs, idq; è pluribus ranis. Fortioribus ſtomachis ex iure edendas dabat. Maxillaresque ita ſanari dentes præcipuè putant, mobiles uerò ſupra dicto aceto ſtabiliri. Ad hæc quidam ranarum corpora binarū præciſis pedibus in uini hemina macerant, & ita collui dentes labantes iubent. Aliqui totas adalligant maxillis. Alij denas in aceti ſextarijs tribus decoxere ad tertias partes, ut mobiles dentiū ſtabilirent. Necnon 36. ranarum corda in olei ueteris ſextario ſub æreo teſto diſcoxere, ut inſunderent per aurem dolēis maxillæ. Alij iecur ranæ decoctum & tritū cū melle impoſuere dētibz. Omnia ſupraſcripta ex marina rana efficaciora. Si carioſi & fætidī ſunt, centum in furno areſieri per noctem præcipiunt, poſtea tantundem ſalis addi, atque fricari. Enhydris uocatur à Græcis coluber in aquis uiuens. Huius quatuor dentium ſuperioribus in dolore ſuperiorum gingiuas ſcarificant



ficant, inferiorum inferioribus. Aliqui canino tantum earum contenti sunt. Utuntur & cancrorum cinere, nam muricum cinis dentifricium est. Lichenas & lepras tollit adeps uituli marini: Murenarum cinis cum mellis obolis ternis: iecur paslinacæ in oleo decoctum: Hippocampi & Delphini cinis ex aqua illitus. Exulcerationem sequi debet curatio quæ perducit ad cicatricem. Quidam Delphini iecur in fictili torrent, donec pinguitudo similitudine olei fluat, ac perungunt. Muricum uel conchyliorum testæ cinis maculas in facie mulierum purgat cum melle illitus, cutemque erugat extenditque septenis diebus illitus, ita ut octauo candido ouorum foueantur. Muricim generis sunt quæ uocant Græci colycia, alij corythia, turbinata æquæ, sed minora multo, efficaciora etiam, & oris balitū custodiētia. Icthyocolle erugat cutem, extenditque in aqua decocta horis quatuor, dein contusa, colluta, & subacta ad liquorem usque mellis. Ita præparata in uasē nouo conditur, & in usu quatuor drachmis eius, binæ sulphuris, & anchusæ totidem, octo spumæ argenteæ adduntur, aspersaq; aqua teruntur unā. Sic illita facies post quatuor horas abluitur. Medetur & lentigini cæterisque uitijis ex ossibus sepiarum cinis. Idem & carnes excrecentes tollit, & humida ulcera.

Promiscuæ medicinæ ex aquatilibus.

Cap. IX.

Pforas tollit rana decocta in heminis quinque aquæ marinæ. Excoqui debet donec sit crassitudo mellis. Fit in mari & balcyoneum appellatum, ex nidis (ut aliqui existimant) balcyonum & cæcym: ut alij, è sordibus spumarū crassescētibz. alij è limo, uel quadā maris lanugine. Quatuor eius genera. Cinereum spissum, odoris asperi. Alterum molle, lenius, odore ferè algæ. Tertium candidioris uermiculi. Quartum pumicosius, spongiæque patri simile, penè purpureum. Quod optimum, id & Mulesium uocatur. Quo candidius autem, hoc minus probabile est. Vis eorum, ut exulcerent, purgent. Vñs tostis & sine oleo, mirè lepras, lichenas, lentigines tollūt cum lupino,

& sulphuris duobus obolis. Halcyoneo utuntur & ad oculorum cicatrices. Andreas ad lepras cancri cinere cum oleo usus est. Attalus thymni recentioris adipe ad ulcera. Murenarum muria, & capitum cinis cum melle sanat strumas. Pungi piscis eius qui rana in mari appellatur, osiculo de cauda, ita ut non uulneret, prodest. Id faciendum quotidie, donec percurentur. Eadem uis & pastinacæ radio, & lepori marino imposito, ita ut celeriter remoueat. Echini testis contusis, & ex aceto illitis. Item scolopendræ marinæ è melle. Cancris fluuiales contriti uel combusti ex melle mirifice prosunt, & sepiæ ossa cum axungia uetere contusa & illita. Sic & ad parotidas utuntur & scari piscis marini iocineribus. Quin & testis cadi salsamentarij tuis cum axungia uetere, muricūque cinere ex oleo ad parotidas strumāsque. Rigor ceruicis mollitur cum marinis, qui pediculi uocantur, drachma pota. Castoreo pota cum pipere ex mulso mixto ranis decoctis ex oleo & sale, ut sorbeatur succus. Sic & opisthotono medentur, tetano, spasticis uerò pipere adiecto. Anginas menarum salसारum ex capitibus cinis ex melle illitus abolet, ranarūque decoctarum ex aceto succus: hic & contra tonsillas prodest. Cancris fluuiales triti singuli in heminā aquæ anginis medentur gargarizati, aut è uino aut calida aqua poti. Vuæ medetur garum cochlearibus subditū. Vocem siluri recentes falsiue in cibo sumpti adiuant. Vomitiones nulli inueterati tritiq; in potione concitant. Suspiriosis castoreū cum ammoniaci exigua portione ex aceto mulso ieiunis utilissime potatur. Eadem potio spasmos stomachi sedat ex aceto mulso calido. Tussim sanare dicuntur piscium modo è iure decoctæ in patinis ranæ. Suspensæ autem pedibus, cum destillauerit in patinam salua earum, exenterari iubentur, abiectisque interaneis, condiri. Est rana parua arborem scandens, & ex ea uociferans: in huius os si quis expuat, ipsamq; dimittat, tussi liberari dicitur. Præcipiunt & cochleæ crudæ carnem tritam bibere ex aqua calida in tussi cruenta.

Ad iocineris uitia laterūq;, & ad stomachi & alui, & urinæ, & calculorū uitia, & ad alia quædā promiscuæ medicinae. Ca. X.

Iocineris doloribus scorpio marinus in uino necatur, ut deinde bibatur. Conchæ longæ carnes ex mulso potæ cum aqua pari modo, aut si febres sint, ex aqua mulsâ. Lateris dolores leniunt hippocampi tostī sumpti, tethæ & quæ similes ostreae in cibo sumptæ. Ischiadicorum muria siluri clystere infusa. Dantur autem conchæ ternis obolis dilutæ in uini sextarijs duobus per dies 15. Aluum emollit silurus è iure, & torpedo in cibo. Et olus marinum simile satiuo, stomacho inimi cum, aluum facillime purgat: sed propter acrimoniam cum pingui carne coquitur: & omnium piscium ius. Idem & urinas cit, è uino maxime. Optimū è scorpionibus, & iulide, & saxatilibus, nec uirus respicientibus. Coqui debent cum anetho, apio, coriandro, porro, additis oleo & sale. Purgat & cybia uetera, priuatimq; cruditates: pituitā bilēq; trahūt. Purgant & Myaces, quorū natura tota hoc loco dicitur. Aceruantur muricū modo, uiuuntq; in algosis, gratissimi autūno, & ubi multa dulcis aqua miscetur mari: ob id in Aegypto laudatissimi. Procedente hyeme amaritudinē trahunt, colorēq; rubrum. Horum ius traditur aluū & uescicas exinauire, interanea distringere, omnia adaperire, renes purgare, sanguinē adipēmq; minuere. Itaque utilissimi sunt hydropicis, mulierum purgationibus, morbo regio, articulari, inflationibus. Item prodesse felli pituitæq; pulmonis, iocineris, splenis uitij, rheumatismis. Fauces tantū uexāt, uocēsq; obtundunt. Vlcera quæ serpant, aut sint purganda, sanant. Item carcinomata. Cremati autē, ut murices, & morsus canū hominūmq; cū melle, lepras, lentigines. Cinis eorū potus emendat caligines, gingiuatrum & dentium uitia, eruptiones pituitæ: & contra doryenium, aut opocarpathon antidoti uicem obtinent. Degenerant in duas species: in Mytulos, qui salem uirusq; respiciunt: myscas, quæ rotunditate differunt, minores aliquāto, atq; birtæ, tenuioribus testis, carne duriores.

Mytuli quoque (ut murices) cinere causticam uim habent, & ad lepras, lentigines, maculas. Lauantur quoq; plumbi modo ad genarum crassitudines, & oculorum albugines, caliginésque, atq; in alijs partibus sordida ulcera, capitisque pustulas. Carnes uerò eorum ad canis morsus imponuntur. Et pelorides emolliunt aluum. Item castorea ex aqua mulsâ, drachmis binis. Qui uehementius uolunt uti, addunt cucumeris satiui radice siccâ drachmam, & aphronitri duas. Tethæ torminibus & inflationibus succurrunt. Inueniuntur hæ in folijs marinis sugentes, fungorum uerius generis quàm piscium. Eadem & tenasium dissoluunt, renûmque uitia. Nasceitur & in mari absinthium, quod aliqui scriphium uocant, circa Taposirin maximè Aegypti, exilius terrestri. Aluum soluit, & noxijs animalibus intestina liberat. Soluunt & sepiæ. In cibo dantur cum oleo & sale & farina decoctæ. Menæ salsæ cum felle taurino illitæ umbilico, aluum soluunt. Lus piscium in patina coctorum cum lactucis, tenasium discutit. Cancri fluuiatiles triti ex aqua poti aluum sistunt, urinam ciunt in uino albo. Ademptis brachijs calculos pellunt tribus obolis cum myrrha triti, singulis eorum drachmis. Ileos & inflationes castoreum cum dauci semine & petroselini quantum ternis digitis sumatur, ex mulsi calidi cyathis quatuor. Tormina uerò cum aceto uino mixto. Erythini in cibo sumpti sistunt aluum. Dysentericis medentur ranæ cum scilla decoctæ, ita ut pastilli fiant. Fel siue cor earum cum melle tritum, ut tradit Niceratus. Morbo regio salsamentum cum pipere, ita ut reliqua carne abstineatur. Lien medetur solea piscis impositus: item torpedo: item rhombus uiuus, dein remittitur in mare. Scorpius marinus necatus in uino, uesicæ uitia & calculos sanat: Lapis qui inuenitur in scorpionis marini cauda, pondere oboli potus. Enhydridis iecur: Blenniorum cinis cum ruta. Inueniuntur & in banchi piscis capite ceu lapilli. hi poti ex aqua calculosis præclarè medentur. Aiuuntque & urticam maritam in uino potam prodesse. Item pulmonè  
marinum

marinum decoctum in aqua. Oua sepiae urinam mouent, renūque pituitas extrahunt. Rupta, conuulsa, cancri fluuiatiles triti in asinino lacte maximè sanant. Echini uero cum spinis suis contusi, è uino poti calculos. Modus singulis hemina bibitur donec prosit, & aliàs in cibis ad hoc proficiunt. Purgatur uesica & pectinum cibo. Ex his mares alij donacas, alij aulos uocant, fœminas onychas. Vrinam mares mouent. Dulciores fœminæ sunt, & unicolores. Sepiæ quoq; oua urinam mouēt, renes purgant. Enterocelæ lepus illinitur tritus cum melle. Tecur quoque aquatici colubri. Item hydri tritum potūque calculosis prodest. Ischiadicos autem liberant salsamenta ex siluro infusa clystere, euacuata prius aluo. Sed sedis attritus, cinis è capite mugilum mullorumque. Comburuntur autem in fictili uase. Illini cum melle debent. Item capitis menarum cinis ad rhagadas, & ad condylomata utilis, sicut pelamidum salsarum capitum cinis, uel cybiorum cum melle. Torpedo apposita procidētis interanei morbum ibi coercet. Cancrorum fluuiatilium cinis ex oleo & cera, rimas in eadem parte emendat. Item & marini cancri polline. Panos salsamenta coracini discutunt. Sciænæ interanea, & squamæ combustæ. Scorpio in uino decoctus, ita ut foveantur ex illo. At echinorum testæ contusæ, & ex aqua illitæ, incipientibus panis resistunt. Muricum uel purpurarum cinis utroque modo, siue discutere opus sit incipientes, siue concoctos emittere. Quidam ita componunt medicamentum: ceræ & thuris drachmas xx, spumæ argenti xl, cineris muricum x, olei ueteris heminam. Prosunt per se salsamenta cocta. Cancri fluuiatiles triti, uerendorum pustulas discutunt. Cinis ex capite menarū: item carnes decoctæ & impositæ. Similiter percæ salsæ è capite cinis melle addito. Pelamidum capitis cinis, aut squatinæ piscis cutis combusta. Hæc est qua diximus lignum poliri, quia & è mari fabriles usus exeunt. Prosunt & smarides illitæ: item muricum uel purpurarum testæ cinis cum melle, efficacius crematarū cum carnibus suis. Car-

bunculos uerendorum priuatim fassamenta cocta cum melle restinguunt. At testem (si descenderit) cochlearum spuma illini uolunt. Vrinæ incontinentiam Hippocampi tosti, & in cibo sæpius sumpti emendant. Item Opbidion pisciculus congruo similis cum lilij radice. Pisciculi minuti ex uentre eius, quos deuorauerit, exempti & cremati, ita ut cinis eorum bibatur ex aqua. Iubent & cochleas Aphricanas cum sua carne comburi, cineremque ex uino signino dari. Podagris articularibusq; morbis utile est oleum in quo decocta est rana, & ipsius intestina, & rubetæ cinis cum adipe uetere. Quidam & bordei cinerem adijciunt, trium rerum æquo pondere. Iubent & lepore marino recenti podagram fricari. Fibrinis quoque pellibus calciari, maxime pontici fibri. Item uituli marini, cuius cinis & adeps prodest. Item & bryon, de quo diximus, lactucæ simile, rugosioribus folijs, sine caule. Natura est ei styptica. Impositum lenit impetus podagræ. Item alga, de qua supra dictum est. Obseruaturque in ea, ne arida imponatur. Perniones emendat pulmo marinus, cancerique marini cinis ex oleo. Item fluuiatiles triti, sicque cinere & oleo subacti, & siliari adeps. Et in articulis morborum impetus sedant ranæ subinde recentes impositæ, quas quidam dissectas iubent imponi. Corpus auget ius mytilorum & concharum. Comitiales, ut diximus, coagulum uituli marini bibunt cum lacte equino asininoue, aut cum punici succo. Quidam ex aceto mulso. Necnon aliqui per se pilulas deuorant. Castoreum in aceti mulsi cyathis tribus ieiuniis datur. His uerò qui sæpius corripuntur, clystere infusum mirificè prodest. Castorei drachmæ duæ esse debent, mellis & olei sextarius, & aquæ tantundem. Ad præsens uero correptis olfactu subuenit cum aceto. Datur & mustelæ marinæ iecur. Item muris uel testudinum sanguis.

Ad febres omnium generum, & contra diuersas infirmitates.

Cap. XI.

Febrim circuitus tollit iecur Delphini gustatum ante accessiones.

Hippocampi



Hippocampi necantur in rosaceo, ut perungantur ægri in frigidis febribus: & ipsi adalligantur ægris. Item ex asello pisce lapilli, qui plena luna inueniuntur in capite, alligantur in linteolo. Pagri fluuiatilis longissimus dens capillo adalligatus, ita ut quinque diebus cum qui alligauerit, non cernat æger. Ranae uero in triuio decoctæ oleo abiectis carnibus perunctos liberant quartanis. Sunt qui strangulatas in oleo ipsas clam adalligent, oleoque eo perungant. Cor earum adalligatum frigora febrium minuit, & oleum in quo intestina decocta sint. Maxime autem quartanis liberant ablatis unguibus ranae adalligatæ, & rubetæ. Iecur eius uel cor adalligatur in panno leucophæo. Cancri fluuiatiles triu in oleo & aqua perunctis ante accessiones in febribus prosunt. Aliqui & piper addunt. Alij decoctos ad quartas in uino è balneo egressis bibere suadent in quartanis. Aliqui uero sinistrum oculum deuorari iubent. Magi quoque oculis earum ante solis ortum adalligatis ægro, ita ut cæcas demittant in aquam, tertianas abigi promittunt. Eosdemque oculos cum carnibus lusciniæ in pelle ceruina adalligatos, præstare uigiliâ somno fugato tradunt. In lethargumq; uergentibus coagulo balenæ aut uituli marini ad olfactum utuntur. Aliqui sanguinem testudinum lethargicis illinunt. Tertianis mederi dicitur & spondylus per se adalligatus. Quartanis cochleæ fluuiatiles in cibo recètes. Quidam ob id asseruant sale, ut dent tritas in potu. Strombi in aceto putrefacti, lethargicos excitant odore. Prosunt & cardiacis. Cachectis, quorum corpus macie conficitur, tetheæ utiles sunt cum ruta ac melle. Hydropticis medetur adeps Delphini liquatus, & cum uino potus. Grauitati saporis occurritur tactis naribus unguento, aut odoribus, uel quoquo modo obturatis. Strombi quoque carnes tritæ, & in mulsi tribus heminis pari modo aquæ, aut si febres sint, ex aqua mulsa datæ prosunt. Item succus cancrorum fluuiatilium cum melle. Ranae quoque aquaticæ in uino uetere & farre decoctæ, ac pro cibo sum-



ptæ, ita ut bibatur ex eodem uase: uel testudo decisis pedibus, capite, cauda, & intestinis exemptis, reliqua carne ita condita, ut citra fastidium sumi possit. Cancræ fluuiatiles ex iure sumpti & pibisicis prodesse traduntur. Adusta sanatur cancræ marini uel fluuii uilis cinere, & ea quæ feruenti aqua combusta sunt. Hæc curatio etiam pilos restituit cum cancrorum fluuiatilium cinere: putantque utendū cum cera & adipe ursino. Prodest & febri ranarū fellis cinis. Ignes sacros restinguunt ranarum uiuentium uentres impositi: pedibusque posterioribus pronas adalligari iubet, ut crebriore anbelitu profint. Utuntur & silurorum capitum cinere salsamentorum ex aceto. Pruritus scabiemque non hominum modo, sed & quadrupedum efficacissimè sedat iecur pastinacæ decoctum in oleo. Neros præcisos purpurarum cauum quo se operiunt, tusum glutinat. Leibargicos coagulum uituli adiuuat in uino potum oboli pondere: item ichthyocolle. Tremulos iuuat castoreum, si ex oleo perungatur. Mullos in cibo inutiles neruis inuenio. Sanguinem fieri piscium cibo putant, si sti polypo tuso illitoque. De quo & hæc traduntur, muriam ipsum ex sese emittere, & ideo non debere addi in coquendo. secari arundine. ferro enim intingi, uitiumque trahere natura deferente. Ad sanguinem sistendum & ranarum illinunt cinerem, uel sanguinem inaresactum. Quidam ex ea rana quam Græci calamiten uocant, quoniam inter arundines fruticesque uiuat, minima omnium & uiridissima, cinerem fieri iubet. Aliqui & nascentiū ranarum in aqua, quibus adhuc cauda est, in calice nouo combustarum cinerem, si per nares fluat, iniiciendum. Diuersus hirudinum, quas sanguisugas uocant, ad extrahendum sanguinē usus est. Quippe eadem ratio earū, quæ cucurbitarū medicinalium, ad corpora leuanda sanguine, spiramenta laxanda, iudicatur. Sed uitium, quod admissæ semel, desiderii faciunt circa eadem tempora anni semper eiusdem medicinæ. Multi podagris quoque admittendas censuere. Decidunt satietate, & pondere

dere ipso sanguinis detractæ, aut sale aspersæ. Aliquando tamen adfixa relinquunt capita, quæ causâ uulnera insanabilia facit, & multos interimit, sicut Messalinum è cõsularibus patricijs, cum ad genua admisisset. Inuehunt uirus remedio uerso, maximèque russiæ ita formidantur. Ergo sugentia ora forficibus præcidunt, ac ueluti siphonibus defluit sanguis, paulatimq; morientium capita se contrahunt, nec relinquuntur. Natura earum aduersatur cimicibus, & suffitu necat eos. Fibrinarum pellium cum pice liquida combustarum cinis, narium profluvia sistit, succo porri mollitus. Extrahit tela corpori inhaerentia. Sepiarum testæ ex aqua, salsamentorum carnes, canceri fluuiatiles triti, siluri fluuiatilis, qui & alibi quàm in Nilo nascitur, carnes impositæ recentes siue salsæ. Eiusdem cinis extrahit, & adeps: & cinis spinæ eius uicem spody præbet. Ulcera quæ serpunt, & quæ ex his excrescunt, ex capite menarum cinis uel siluri coercet. Carcinomata, percarum capita salsarum, efficacius si cineri earum miscetur sal, & cumila capitata oleoque subigantur. Canceri marini cinis usli cum plumbo, carcinomata compestat. Ad hoc & fluuiatilis sufficit cum melle, lineaq; lanugine. Sed aliqui malunt alumen melque miscere cineri. Phagedænæ siluro inueterato, & cum sandaracha trito, cacoëthe & nomæ & putrescentia cybio uetere sanantur. Vermes uerò innati, ranarum felle tolluntur, fistulæ aperiuntur, siccanturque salsamenti cum linteolo immixtis, intraque alterum diem callum omnem auferunt, & putrescentia ulcerum, quæque serpunt, emplastri modo subacta & illita. Et salpes expurgat ulcera in linteolis concerptis. Item echinorum testæ cinis. Carbunculos coracinorum salsamenta illita discutunt. Item nullorum salsamenti cinis. Quidam capite tantum utuntur cum melle, uel coracinorum carne. Muricum cinis cum oleo tumorem tollit. Cicatrices fel scorpionis marini. Verucas tollit glani iecur tritum: Capitis menarum cinis cum allio tritus (ad thymia crudis utuntur) Fel scorpionis marini russi: Smari-

des tritæ illitæ. Alex deferuesacta unguum scabritiam, cinisque è capite menarum extenuat. Mulieribus lactis copiam facit glauciscus è iure sumptus, & smarides cum ptisana sumptæ, uel cum fœniculo decoctæ. Mammæ ipsas muricum uel purpuræ testarum cinis cum melle efficaciter sanat. Cancrî fluuiatiles illiti uel marini pilos in mamma, uel muricum carnes appositæ tollunt. Squatinæ illitæ crescere mammæ non patiuntur. Delphini adipe linamenta accensa excitant uulvæ strangulatu oppressas. Item scombri in aceto putrefacti. Percarum uel menarum capitis cinis admixto sale & cunila, olebque, uulvæ medetur. Suffusione quoque secundas extrahit. Item uituli marini adeps instillatur igni naribus intermortuarum uulvæ uitio, & cum coagulo eiusdem in uellere impositus. Pulmonis marini cinis adalligatus, egregiè profluua purgat. Echini uiuentes tusti, & in uino dulci poti. Sistunt & cancrî fluuiatiles triti in uino, potique. Item siluri suffitu præcipue Africi faciliores partus fieri dicuntur. Cancrî ex aqua poti profluua sistere, ex byssopo purgare. Et si partus stranguletur, similiter poti auxiliantur. Eosdem recentes uel aridos bibunt ad partus continendos. Hippocrates ad purgationes, mortuosque partus utitur illis cum quinis lapathi radicibus, cum ruta & fuligine tritis, & in mulso datis potui. Item in iure cocti cum lapatho & apio, menstruas purgationes expediunt, lactisque ubertatem faciunt. Item in feбри, quæ sit cum capitis doloribus, & oculorum palpitatione. Mulieribus in uino austero poti prodesse dicuntur. Castoreum ex mulso potum purgationibus prodest. Contraque uulvam olfactum cum aceto & pice, aut subditum pastillis. Ad secundas etiam uti eodem prodest cum panace in.iiij. cyathis nini. Et à frigore laborantibus ternis obolis. Sed si castoreum fibrilime supergrediatur grauida, abortum facere dicitur, & periclitari partus si superferatur. Mirum & quod de torpedine inuenio. Si capiatur cū lima in libra fuerit, triduoq; assernetur sub dio, faciles

partus

partus facere postea quoties inferatur. Adiuuare & paslinacæ radius adalligatus umbilico existimatur, si iuuenti ablatus sit, ipsaque denuo in mare dimissa. Inuenio apud quosdam ostracium uocari, quod aliqui onychen uocant, hoc suffitum uulnæ pœnis mirè resistere. Odorem esse castorei, meliusque cum eo uisum proficere. Vetera quoque ulcera & cacoëthe eiusdem cinere sanari. Nam carbunculos & carcinomata in mulierum parte præsentissimo remedio sanari tradunt cancro fœmina, cum salis flore contuso post plenam lunam, & ex aqua illito. Psilotrobrum est thynni sanguis, fel, iecur: siue recentia, siue seruata. Iecur etiam tritum, mixtæque cedria plumbea pyxide asseruatum. Ita pueros mangonizauit Salpe obstetrix. Eadē uis est pulmonis marini, leporis marini sanguine & felle, uel si in oleo lepus hic necetur: Cancri scolopendræ marini cinis cum oleo: Vrtica marina trita ex aceto scillite. Torpedinis cerebrum cum alumine illitum 16 luna. Rana parua (quam in oculorum curatione descripsimus) sanies efficacissimè psilotrobrum est, si recens illinatur, & ipsa arefacta ac tusa, mox decocta tribus beminis ad tertias, uel in oleo decocta æreis uasis. Eadem mensura alij ex quindecim ranis conficiunt psilotrobrum, sicut in oculis diximus. Sanguisugæ quoque toste in uase fictili, & ex aceto illitæ, eundem contra pilos habent effectum. Et suffitus urentium eas, necat cimices inuectas. Castoreo quoque cum melle pro psilotrobro usi pluribus diebus reperiuntur. In omni autem psilotrobro uellendi prius sunt pili. Infantium gingiuis dentitionibusque multū confert Delphini cum melle dētium cinis, & si ipso dente gingiue tangantur. Adalligatusq; idem pauores repentinis tollit. Idē effectus & canicule dētis. Ulcera uerò quæ in auribus, aut ulla corporis parte fiant, cancrorū fluuiatiliū succus cum farina bordeacea sanat. Et ad reliquos morbos triti in oleo percūctis prosunt. Siriasēisq; infantū spōgia frigida cerebro humefacto rana inuersa adalligata efficacissime sanat, quam arida inueniri affirmat.

Mullas in uino necatus, uel piscis rubellio, uel anguille duæ, item uua marina in uino putrefacta, ijs qui inde biberint, tedium uini affert. Venerem inhibet echencis, & hippopotami frontis è sinistra parte pellis in linteolo adalligata, felue torpedinis uiuæ genitalibus illitum. Concitant cochlearum fluuiatiliu carnes sale adseruatæ, & in potu ex uino datæ: Erythini in cibo sumpti: iecur ranæ dryophytes & calamitæ in pellicula gruis alligatum, uel dens crocodili maxillaris annexus brachio, uel hippocampus, uel nerui rubetæ dextro lacerto adalligati. Amorem finit in pecoris recenti corio rubetæ alligata. Equorum scabiem ranæ decoctæ in aqua extenuant, donec illini possint: aiuntq; ita curatos non repeti postea. Et Salpe negat canes latrare quibus in ossa rana uiua data sit. Inter aquatilia dici debet & calamochnus, latine adarca appellata. Nasçitur circa arundines tenues è spuma aque dulcis ac marinæ, ubi se miscent. Vim habet causticam, ideo acopis additur contra perfrictionum uitia. Tollit & mulierum lentigines in facie. Et calami simul dici debent. Phragmitis radix recens tusa luxatis medetur, & spinæ doloribus ex aceto illita. Cyprij nero, qui & donax uocatur, cortex alopecijs medetur ustus, & ulceribus ueteratis. Folia extrahendis quæ infixæ snt corpori, & igni sacro. Paniculæ flos si aures intrauerit, exurdat. Sepiæ atramento tanta uis est, ut in lucerna addito Aethiops uideri ablato priore lumine, Anaxilaus tradat. Rubetæ decoctæ, & in aqua potu datæ, sum morbis medetur, uel cuiuscunque ranæ cinis. Pulmone marino si confricetur lignum, ardere uidetur, aded ut baculum ita præluceat.

De Spongiarum natura iterum, & de medicinis ex ipsis,  
ex lib. 31.

Cap. XI.

Spongiarum genera diximus in naturis aquatiliu marinorum. Quidã eas ita distinguunt. Alias ex his mares existimauere, tenui fistula, spissioresq; perforbêtes, & quæ tinguntur in delicijs aliquando & purpura. Alias facinoris, maioribus fistulis ac perpetuis. E maribus duriores

duriores alias, quas appellant tragos, tenuissimis fistulis atque den-  
 tissimis. Candidæ cura sunt. E mollissimis recentes per æstatem tin-  
 etæ salis spuma, ad lunam & pruinas sternuntur inuersæ, hoc est qua  
 parte adhæserit, ut candorem bibant. Animal esse docuimus, etiam  
 cruore inherente. Aliqui narrant & auditu regi eas, contrahiq; ad  
 sonum, exprimentes abundantiam humoris: nec auelli petris posse:  
 ideo abscindi, & saniem emittere. Quin & eas quæ ab aquilone  
 sint genitæ, præferunt cæteris. Nec usquam diutius durare spiritum  
 medici affirmant. Sic & prodesse corporibus, quia nostro suum mi-  
 sceant, & ideo magis recentes, magisq; humidæ: sed minus in calida  
 aqua, minusq; unctas, aut unctis corporibus impositas. Et spissas mi-  
 nus adhærescere. Mollissimum genus earum penicilli, oculorum tu-  
 mores leuant ex mulso impositi. Idem abstergendæ lippitudini uti-  
 lissimi. Eosque tenuissimos & mollissimos esse oportet. Imponun-  
 tur spongiæ ipsæ epiphoris ex posca, ex aceto calido ad capitis do-  
 lores. De cætero recentes discutiunt, molliunt, mitigant: ueteres con-  
 glutinant uulnera. Vsus earum ad abstergenda, fouenda, aperienda  
 à fotu, dum aliud imponatur. Vlcera quoque humida & senilia  
 impositæ siccant. Fracturæ & uulnera spongijs utilissimè fouentur.  
 Sanguis rapitur in secando, ut curatio perspicui possit. Et ipsæ uulne-  
 rum inflammationibus imponuntur, nunc succæ, nunc ex aceto insper-  
 sæ, nunc è uino, nunc ex aqua frigida. Ex aqua uerò celesti impositæ;  
 seclæ recentia non patiuntur intumescere. Imponuntur & integris  
 partibus, sed fluxione occulta laborantibus, quæ discutienda sit: &  
 ijs quæ apostemata uocant, melle decocto permictis. Item articula-  
 rijs, aliàs aceto salso madidæ, aliàs è posca. Si ferueat impetus, ex  
 aqua. Eadem & callo salsa madidæ. At contra scorpionum ictus ex  
 aceto. In uulnerum curatione & succidæ lanæ uicem implent, nunc  
 ex uino & oleo, nunc ex eadem. Differentia hæc, quod lanæ emol-  
 liunt, spongiæ coercent rapiuntq; uitia ulcerum. Circumligantur &



hydropicis sicca, uel ex aqua tepida poscæue, utcunque blandioribus opus est, opeririue aut siccari cutem. Imponuntur & his morbis quos uaporari oporteat, feruenti ex aqua perfusa, expressa q; inter duas tabulas. Sic & imposita stomacho prosunt, & in febris contra nimios ardores. Sed spleneticis è posca, ignibus sacris ex aceto, efficaciores quàm aliud. Imponi oportet sic, ut sanas quoque partes spatiose operiât. Sanguinis profluuium sistunt ex aceto, aut frigida. Liuorem ab icetu recentem, ex aqua salsa calida sæpius mutata tollunt, testium tumorem dolorémq; ex posca. Ad canum morsus utiliter con cise imponuntur ex aceto, aut frigida, aut melle, abunde subinde humectanda. Africanæ cinis cum porri sectiui succo, sanguinẽ reijciẽtibus haustu salis ex frigida prodest. Idem cinis cum oleo uel aceto fronti illitus, tertianas tollit. Priuatim Aphricanæ ex posca tumore discutiunt. Omnium autem cinis cum pice crematarum, sanguinem sistit uulnèrum. Aliqui raras tantum ad hoc cum pice urunt. Et oculorum causa comburuntur in cruda olla figulini operis, plurimũ proficiente eo cinere contra scabrias genarum, excrecentesque carnes, & quicquid opus sit ibi destringere, spissare, explere. Utilius in eo usu lauare cinerem. Præstant & strigilum uicem linteolorumque affectis corporibus. Et contra solem aptè protegunt capita. Medici inscitia ad duo nomina eas rede gere, Africanas, quarum firmitus sit robur: Rhodiacasque, ad fouendum molliores. Nunc autẽ mollissimæ circa muros Antipbelli urbis reperiuntur. Trogus author est, circa Lyciam penicillos mollissimos nasci in alto, unde ablatae sunt spongiæ. Polybius super ægrum suspensos quietiores facere noctes.

Animalium



Animalium omnium in mari uiuentium. 176. genera esse

Cap. XII. ex lib. 32.

Peracta aquatiliū dote, non alicuiū uidetur indicare per tot maria tam uasta, & tot millibus passuum terræ infusa, extrāque circumdata mensura pendē ipsius mundi, quæ intelligantur animalia centum septuaginta sex omnium generum esse, eāque nominatim completi, quod in terrestribus uolucribusque fieri non quit. Neque enim omnis Indiæ Aethiopiæq; aut Scythiæ, desertorū inue nouimus feras aut uolucres, cum hominum ipsorum multo plurimæ sint differentiæ, quas inuenire potuimus. Accedat his Taprobane, insuleq; aliæ occani fabulose narratæ. Profecto conueniet, non posse omnia genera in contemplationem uniuersam uocari. At hercule in tanto mari oceanoquecunq; nascuntur, certa sunt, notioraq; (quod miremur) quæ profundo natura mer sit. Ut à beluis ordianur, arbores, phyteteres, balenæ, pristis, tritones, nereides, elephāti, homines qui marini uocātur, rotæ, orcæ, arietes, musculi, & alij pisciū forma, arietes, Delphini, celebrēsque Homero uituli. Luxuriæ uerò testudines, & medicis fibri, quorū ē genere lūtras nusq; mari accepimus mergi, tantū marina dicētes. Iā camiculæ, dromones, cornutæ, gladij ferræ: cōmunēsque mari, terræ, amni, hippopotami, crocōdili. Et amni tantum ac mari thynni, thynnides, siluri, coracini, perca. Peculiaris autē maris acipēser, aurata, asellus, acarne, aphyæ, alopecias, anguilla, araneus, box, batis, bāchus, batrachus, belonæ, quos aculeatos uocamus, balanus, coruus, cytharus. Chromborū genera, cyprinus, ebalcis, cobio. Callarias asellorū generis, ni minor esset. Colias siue parianus, siue saxitanus à patria Bætica, lacertorū minima. Ab his Mæotici, cybiū (ita uocatur cōcisa pelamis, quæ post. xl. dies à ponto in Mæotin reuertitur) Cordyla, & hæc pelamis pusilla, cum in pontū ē Mæotide exit, hoc nomē habet: cantharus, callionymus, siue uranoscopus, cinædi soli pisciū lūtei; Cnide, quā nos urticā uocamus. Cærorū genera, & chamætrachea,

chamaeleos, chamaepeloides generis uarietate distantes & rotunditate. Chamaeglycimerides, quæ sunt maiores quàm peloides, co-lycia, siue corophia. Cencharū genera, inter quæ & margaritifera cochleæ, quarum generis pentadactyles, melicembales, echinophoræ dicuntur quibus cantant. Extra has sunt rotundæ in oleario usu cochleæ, cucumis, cynopus, canmarus, cynosdextra, draco. Quidā aliud uolunt esse dracunculū. Est autē graculo similis. Aculeos in brachijs habet ad caudam spectantes. Sic & scorpio lædit dum manu tollitur, erythrinus, echeneis, echinus. Elephantum locustarum generis nigri, pedibus quaternis bisulcus, præterea brachia duo, binis articulis, singulisq; forficulis denticulatis. Fabri siue zeus, glaucisci, glanius, gonger, gerres, galeos, garus, hippos, hippuros, birundo, halipleumon, hippocampus, hepar, helacathenes. Sunt lacertorum genera, loligo uolitans, locustæ, lucernæ, liparis, lamyris, lepus, leones (quorum brachia cancris similia sunt, reliqua pars locustæ) nullus, merula inter saxatiles laudata, nugal, melanurus, mens, meryx, murena, mys, mitulus, mystus, murex, oculata, ophidion, ostrea, otia, oreynon. hic est pelamidū generis maximus, neq; redit in Mæotin, similis Tritoni, uetustate melior. Orphus, orithagoriscus, phager, phycis saxatilius, pelamis, earum generis maxima apolectus uocatur, durior Tritone, phorcus, phytarus, passer, pastinaca. Polyporum genera, pectines maximi & nigerrimi æstate. Laudatissimi Mitylenis, Tyndaride, Salonis, Alimi, Antij, in insula Alexandria in Aegypto, pectunculi, purpura, percides, pinna, pinnothera, rhina, quā squatinā uocamus, rhombus, scarus principalis hodie. Solea, sargus, scylla, sarda (ita uocatur pelamis longa ex oceano ueniens, scomber, salpa, sparus, scorpena, scorpius, sciæda, scolopendra, smyrus, scipini, strombus, solen, siue aulos, siue donax, siue onyx, siue dactylus, spondylus, smarides, stella, spongia. Turdus inter saxatiles nobilis. Tomus, thurrianus, quem alij xiphiam uocant, thessa, torpedo, tethea. Triton pelamidum

lamidum generis magni, ex eo uræa cybia fiunt. Vrenæ, uua, xiphia. His adijciemus apud Ovidium posita nomina, quæ apud neminem alium reperiuntur: sed fortassis in Ponto nascuntur, ubi id uolumen supremis suis temporibus inchoauit: Bopgyrum in scopulis uinētem, orphum rubentem, rhacinūque pullum, pictas mormyras, auricæque coloris chryson. Præterea paruum teragum, & placētem cauda labrum, epodus lati generis. Præter hæc insignia piscium tradit channen ex se ipsa concipere, glaucum æstate nunquam apparere, pompilum qui semper comitetur nauigiorum cursus, chromin qui nidificet in aquis. Helopem quoque dicit esse nostris incognitum undis. Ex quo apparet falli eos qui eundem acipenserem existimauerunt. Helopi palmam saporis inter pisces multi dedere. Sunt præterea à nullo authore nominati, sudis latine appellata, à græcis sphyræna, rostro similis nomine, magnitudine inter amplissimos, rarus, sed tamen non degener: & pernæ concharum generis, circa Pontus insulas frequentissimæ. Stant uelut stillo crure longo in arena defixæ, hiantesque quâlympitudo est, pedali non minus spatio. Cibus nenantur. dentes in circuitu marginum habent peccinatum spissatos. Intus pro spondylo grandis caro est. Et hyænam piscem uidi in Aenaria insula captum, caput exerentem. Præter hæc purgamenta aliqua relatu indigna, & algis potius annumeranda, quàm animalibus.

## F I N I S.

Sequuntur à tergo Halieutica Ouidij, de quibus Plinius hoc ipso lib. cap. 2. ita inquit, Mibi uidentur mira & quæ Ouidius prodidit piscium ingenia in eo uolumine quod Halieuticôn inscribitur. & statim in principio huius paginæ, His adijciemus apud Ovidium &c.

P. OVIDII NASONIS HA-  
LIEVTICA.

Olim à natura, quæ est rerum arguta creatrix,  
Accipit mundus legem, dedit arma per omnes,  
Admonuitque sui. vitulus sic nanque minatur,  
Qui nondum gerit in tenera iam cornua fronte.  
Sic damæ fugiunt, pugnant uirtute leones,  
Et morsu canis, & caudæ sic scorpius ictu:  
Concussisque leuis pennis sic euolat ales.  
Omnibus ignotæ mortis timor, omnibus hostem,  
Præsidiumque datum sentire, & noscere teli  
Vimque modumque sui. Sic & scarus arte sub undis  
Si in nassæ fors vimineæ fallētia claustra  
Decidit, assumptamque dolo tandem pauet escam,  
Non audet radijs obnixa occurrere fronte,  
Auersus crebro ueniens sed uertere caudæ  
Laxans subsequitur, tutumque euadit in æquor.  
Quin etiam si forte alius, dum hinc inde nataret,  
Mitis luctantem scarus hunc in uimine uidit,  
Auersi caudam morsu tenet, atque laborem  
Conatumque regit, donec nassa ille resulset.  
Sæpia tarda fugæ, tenui cum forte sub undâ  
Deprensa est, iam iamque manus timet illa rapaceis,  
Inficiens æquor, nigrum uomit illa cruorem,  
Auertitque uices, oculos frustrata sequentes.  
Clausus rete lupus, quanuis immanis & acër,  
Dimotas cauda sulcans submissus arenis  
Emicat, atque dolos saltu deludit inultus.  
Et murena ferox, teretis sibi conscia tergi,  
Ad laxata magis conuersa foramina retis,

Tandem

Tandem per multos euadit lubrica flexus.  
 Exemploque nocet, cunctisq; interuenit una.  
 At contra scopulis criminali corpore segnis  
 Polyphus hæret, & hac eludit retia fraude,  
 Et sub lege loci sumit mutatque colorem,  
 Semper ei similis quem contigit, atque ubi prædam  
 Pendentem setis audius rapit, hic quoque fallit  
 Elato calamo, cum denuum emersus in auras  
 Brachia dissoluit, populatimque expuit hamum.  
 At mugil cauda pendentem euerberat escam,  
 Excussamque legit. Lupus acri concitus ira,  
 Discursu fertur uario, fluctusque ferentes  
 Prosequitur, quasâtque caput, dum uulnere sæuus  
 Laxato cadat hamus, & ora patentia linquat.  
 Nec proprias uires nescit murena nocendi,  
 Auxiliansque sibi morsu nec eo minus acri  
 Deficit, aut animos ponit captiua minaceis.  
 Ambias his tergo quæ non uidet, utitur armis,  
 Vim spinæ nouitque suæ, uersoque supinus  
 Corpore lina secat, fixumque intercipit hamum.  
 Cætera quæ densas habitant animalia syluas,  
 Aut uani quatiunt semper lymphata timores,  
 Aut trahit in præceps non sana ferocia mentis.  
 Ipsa fugam natura monet, uel comminus ire.  
 Impiger ut leo cum uenantum sternere pergit  
 Agmina, & aduersis infert sua pectora telis:  
 Quoque uenit fidens magis, & sublatior ardet,  
 Concussitque toros, & uiribus addidit iram:  
 Concidit, atque suo properat sibi robore letum.  
 Fædus Lucanis prouoluitur Vrsus ab antris,

P. OVIDII NASONIS

Quid nisi pondus iners, stolidæque ferocia mentis?  
 Aetus aper, setis iram denunciat birtis:  
 Et ruit, oppositi nitens in uulnera ferri,  
 Pressus et emissio moritur per uiscera telo.  
 Altera pars fidens pedibus, dat terga sequenti,  
 Ut pauidi lepores, et fuluo tergoe damæ,  
 Et capto fugiens ceruus sine fine timore.  
 Ipsa sequi natura docet, uel comminus ire.  
 Hic generosus bonos, et gloria maior equorum,  
 Nam capiunt animis palmam, gaudentque triumpho,  
 Scu septem spatijs circo meruere coronam:  
 Nonne rides uictor quanto sublimius altum  
 Attollat caput, et uulgi se uenditet auræ?  
 Celsa ue cum caeso decoratur terga leone,  
 Quam tumidus, quantoque uenit spectabilis actu,  
 Compescatque solum generoso concita pulsu  
 Ungula, sub spolijs grauitur redeuntis opimis.  
 Quæ laus prima canum, quibus est audacia præceps,  
 Venandique sagax uirtus, uirisque sequendi,  
 Quæ nunc elatis rimantur naribus auras,  
 Et nunc demisso quærunt uestigia rostro,  
 Et produnt clamore feram, dominumque uocando  
 Increpitant, quem si collatis effugit armis,  
 Insequitur tumulosque canis, camposque per omnes.  
 Nonster in arte labor positus, spes omnis in illa.  
 Nec tamen in medias pelagi te pergere sedes  
 Admoncam, uastique maris tentare profundum.  
 Inter utrunque loci melius moderabere finem,  
 Aspera num saxis loca sunt: nam talia lentos  
 Deposcunt calamos: at purum retia littus.

Num mons

Num monsorrentes demittat celsior umbras  
 In mare: nam uarie quidam fugiuntque petuntque.  
 Num uada subnatis imo uiridentur ab herbis.

\* \*  
 Obletētque moras, & molli seruiat algæ.  
 Descripsit sedes uarias natura profundi:  
 Nec cunctos unā uoluit consistere pisces.  
 Nam gaudent pelago, quales scombrigue bouesque,  
 Hippuri celeres, & nigro tergo milui,  
 Et preciosus belops, nostris incognitus undis:  
 Ac durus xiphias, iētū non mitior ensis:  
 Et pauidi magno fugientes agmine thunni.  
 Parua ecbencis adest (mirum) mora puppibus ingens:  
 Tuque comes ratium, tractique per æquora sulci,  
 Qui semper spumas sequeris pompile nitentes.  
 Cercyrosque ferox scopulorum sine moratus,  
 Cantharus ingratus succo, tum concolor illi  
 Orphas, cæruleaque rubens erythrinus in unda,  
 Insignis sargusque notis, insignis & alis,  
 Et super aurata sparulus ceruice resurgens,  
 Et rutilus pagur, & fului synodontes, & ex se  
 Concipiens channe, gemino fraudata parente.  
 Tum uiridis squamis paruo saxatilis ore  
 Et rarus faber, & pictæ mormyres, & auri  
 Chrysophrys imitata decus, tum corporis umbræ  
 Lluentis rapidique lupi, peræque, tragique.  
 Quin laude insignis caudæ melanurus, & ardens  
 Auratis murena notis, merulæque uirentes,  
 Inmitisque suæ conger per uulnera gentis,  
 Et capitis duro nociturus scorpius iētū,



A c nunquam æstiuo conspectus sydere glaucus.  
 A t contrà herbosa pisces laxantur arena,  
 V t scarus epastas solus qui ruminat escas.  
 F æcundumque genus menæ, lamiosque, smarisque,  
 A tque immunda chromis, merito uilissima salpa,  
 A tque auium dulces nidos imitata sub undis,  
 E t squalus tenui suffusus sanguine, nullus,  
 Fulgentes solæ candore, & concolor illis  
 P asser, & adriaco mirandus littore rhombus.  
 T unc epodes laui, tum molles tergoe ranæ,  
 E xtremi Pas

L ubricus & spina nocuus non gobius ulla,  
 E t nigrum niueo portans in corpore uirus

L olligo, durique sues, sinuosæque cess  
 E t tam deformi non dignus nomine asellus,  
 T uque peregrinis acipenser nobilis undis.

FINIS.